

禮

記

章

義

禮記卷之四

姜亮錫章發

曾子問第七

此篇多論喪祭之事內無問詞而孔子自言者四條游夏問答者三條餘皆曾子與孔子

問答之詞故名篇應氏曰曾子以醇懿之資為守約之學其於身也反觀內省而益加以博習盡貫之法其於禮也躬行實踐而又不廢乎旁搜博考之力故歷問吉凶雜出不齊之事於聖人而遇變事而知其權者亦如處親事而不失其經也其後算積力失夫子語以一言隨聲應答畧無留難見益高矣

曾子問曰君薨而世子生如之何孔子曰卿大夫士從攝主北面

於西階南大祝禱筮執束帛升自西階盡等不升堂命毋哭祝聲

三句告曰某之子生敢告升奠幣于殯東几上哭降衆主人卿大

夫士房中皆哭不踊盡一哀反位遂朝奠小宰升舉幣大音秦禱首喪○攝

至謂上鄉攝國事者王六服衰筮為上餘衰死以下諸侯卿大夫通得以其羔服之總謂之禱筮筮服禱筮者直世子從吉之禮也

禮記

曾子問

卷四

一

事謂陪等獻祭三所謂禮散之辨以散神樂而告之也某夫人氏也房中謂婦人也反位謂反朝夕之天位升舉幣舉而埋之西階也問三日衆主人卿大夫士如初位北面大宰大祝皆裨冕少師奉子以衰祝先于從宰宗人從入門哭者止于升自西階殯前北面祝立于殯東南階祝聲三曰某之子某從執事政見于拜稽顙哭祝宰宗人衆主人卿大夫士哭踊三者三降東反位皆袒子踊房中亦踊三者三襲衰杖奠出大宰命祝史以名徧告于五祀山川大音泰少去聲奉上去聲見音現○如初位者如告子生西階北面之位也奉子以衰者以衰服承而奉之也子某之躬子之名也子拜哭且踊奉之者代之也凡踊三度爲一節如此者三凡九踊而三節各哭踊畢降而反位然後子與房中前踊衰服朝奠以成曾子問曰如已葬而世子生則如之何孔其爲子之禮而乃出也曾子問曰如已葬而世子生則如之何孔子曰大宰大宗從大祝而告于殯三月乃名于福以名徧告及社

稷宗湖山川告于廟告于廟官也名者其子也漏告謂告于同盟諸侯也按諸無瞻月無廟者之類今其禮猶若虛位
○孔子曰諸侯適天子必告于祖奠于廟冕而出

視朝命祝史告于社稷宗廟山川乃命國家五官而後行道而出

告者五日而徧過是非禮也先告用牲幣反亦如之朝音潮下同

字之誤也○告則必祭告於祖奠於禰者其文也奠者奠幣為禮

而告之也觀禮侯氏禘祫適天子必禘而視朝乃命告羣祀也

命之言誠方氏謂諸侯有下大夫五人故命五官也道謂祖祭行

道之神也喪禮毀宗繼行其神位在廟門外西方若祭道路行神

則於城外委上為山形厚二尺廣五尺輪四尺設主於其上而伏

牲其前以祭之祭畢乘車轎之而遂行也告者通謂社稷宗廟之

禘朝服而出視朝命祝史告于五廟所過山川亦命國家五官道

而出反必親告于祖禰乃命祝史告至于前所告者而後聽朝而

入道天子冠服而視朝今諸侯相朝但朝服而已然諸侯朝服為
 玄纁纁衣素裳而聘禮諸侯相聘為皮弁服乃鹿皮為弁白布
 為衣則相朝亦服皮弁矣稱朝服者蓋天子以皮弁服視朝
 亦謂之朝服也出告於廟反則兼告於祖廟蓋文有脫矣與○會
 子問曰並有喪如之何何先何後孔子曰葬先輕而後重其奠也
 先重而後輕禮也自啟及葬不奠行葬不哀次反葬奠而後辭於
 殯遂修葬事其虞也先重而後輕禮也並有喪謂同時有父母或
母則之葬也輕而後重先母後父也奠先重而後輕先父後母也
及葬謂葬棺將出也自母啟殯以至棺出不設母啟殯之奠朝廟
之奠及祖奠道奠之屬以葬母反然後奠父辭殯故也舊說惟設
母奠為奠父設奠此豈奠先重而後輕之義亦從自啟殯及葬
不奠之義乎學者詳味之可也行葬者棺行而往也次者大門外
之有生時待賓客之處也柩至此則孝子悲哀柩中暫停今為父
喪尚非清故不得為母柩哀於次也歸柩告也修督也及葬母而
反乃於父殯設奠皆以奠棺之柩遂營葬父之事蓋葬為柩清故
先輕奠以盡禮故先重也虞祭亦奠之類故如之喪服○孔子曰
小記云父母之喪備先葬者不虞祇待後葬此之謂也

宗子雖七十無無主婦非宗子雖無主婦可也

宗子領宗男於外宗婦領宗女於內

故年雖七十猶必再娶重宗故也然此亦謂宗子之無子或子幼者若有子有婦可傳繼則可不娶矣

○曾子問曰

將冠于冠者至揖讓而入闕齊衰大功之喪如之何孔子曰內喪

則廢外喪則冠而不醴徹饌而埽卽位而哭如冠者未至則廢

去醴同○冠者謂賓與贊也至而入者其人已及大門而與主人揖讓以入也門內之喪則廢者以冠禮行於門內之內

吉凶不可同處也若門外之喪則喪在他處而可以冠也後不必醴以禮于惟徹去設饌而埽除之以卽位而哭也如賓與贊者未至則

廢也如將冠子而未及期日而有齊衰大功小功之喪則因喪服

而冠除喪不改冠乎孔子曰天子賜諸侯大夫冠弁服於大廟歸

設奠服賜服於斯乎有冠醮無冠醮父沒而冠則已冠埽地而祭

於禩已祭而見伯父叔父而後饗冠者

醮無夫婦見音現○因喪服而冠者若喪之成服而

加喪冠也此孔子之言而曾子疑除喪之後當更改行吉冠之禮故據以問也孔子言諸侯及大夫有當冠之年而天子於太廟中賜死冠弁服則受者榮若之賜婦則設奠告廟服所賜之服於是時惟有冠之禮無冠之禮是固可以見無改冠之禮矣惟孤子除喪而冠已冠則掃地以祭禘次見伯叔笑而後襲冠者引此又以見斬衰自不可因喪而冠若齊衰以下因喪而冠則亦不必更為改冠也疏曰吉冠是吉時成人之服喪冠是喪時成人之服而無冠非曰喪每一加則一變三加後總一禮之禮輕而禮重也

○曾子問曰祭如之何則不行旅酬之事矣孔子曰問之小祥者

主人練祭而不旅奠酬於賓賓弗舉禮也昔者魯昭公練而舉酬

行旅非禮也孝公大祥奠酬弗舉亦非禮也祭而旅酬禮也其有故不行者惟小祥之

練祭主奠酬時於賓前賓不舉奠其後亦不別舉符以旅若大祥則可旅矣孝公隱公之祖蓋並引二公以正之也○朱子曰旅陳

也酬等飲也賓弟子兄弟之子各舉觴於其長而衆相酬也主飲

賓曰獻賓飲主曰酢主又自飲而復飲賓曰酬賓受之奠於席前而不舉至旅時又自別舉爵而後旅酬行也方氏曰昭公於禮為不及孝公於禮為過故皆非禮然不及於禮近於薄過於禮近於

○曾子問曰大功之喪可以與於饋奠之

事乎孔子曰豈大功耳自斬衰以下皆可禮也曾子曰不以輕服

而重相為乎孔子曰非此之謂也天子諸侯之喪斬衰者其大夫

齊衰者士則朋友奠不足則取於大功以下者不足則反之

預祭內並同為去祭○饋奠謂殯奠反者反而上也大夫朔望皆

奠士惟月朔其禮盛故執事者衆而恐不足也曾子問曰有大功

之喪可與饋奠之事否乎蓋以已喪不可于他人也孔子答云豈

但大功自斬衰以下禮皆可也孔子蓋據其所服者饋奠而言也

曾子不悟此旨乃曰不太輕已之服而重於為他人乎孔子答云

非此為人之謂也凡殯奠主人悲哀故不親奠天子諸侯之喪諸

臣皆斬衰故斬衰者與大夫則兄弟之服齊衰者與士庶大夫不

以齊衰者與故朋友奠不充數則取大功以下又不見則反取大

功以上也此蓋為所服者而與曾子問曰小功可以與於祭乎孔

子曰何必小功耳自斬衰以下與祭禮也曾子曰不以輕喪而重

曾子問

祭服

四

祭乎孔子曰天子諸侯之喪祭也不斬衰者不與祭大夫齊衰者

與祭士祭取於兄弟大功以下者祭謂處與卒哭之祭即孔子所謂喪祭也大言齊衰者謂同會

子問曰相識句有喪服可以與於祭乎孔子曰總不祭又何助於

人但言有喪服蓋指總麻而言祭謂吉祭也相識難厚總麻服雖

言已有喪服而與曾子問曰廢喪服可以與於饋奠之事乎孔子

曰說衰與奠非禮也以擯相可也說脫同相去聲○廢猶除也

上答既知為所服者莫之可而為人奠之非矣故悼以除喪與奠

為問夫于言方脫衰而即與人之奠是忘衰太速為非禮類相事

輕亦或可耳○臨川吳氏曰曾子初問自大功之與始者蓋以服

重決不可執事於人疑大功服精輕或可與人殯奠而孔子答之

如此則知有服之人但可為所服者奠而不可為他人奠曾子乃

疑小功之服又輕於大功或可與人殯奠以後之喪祭而孔子復

答之如此則又知但可為所服者祭而小功亦不可為他人祭矣

乃曾子又疑總麻尤輕於小功或可與所說者之古祭也故孔子

直以不可答之以上三問於喪服則先大功次小功次緦麻由重而漸輕也於為人則先殯奠次喪祭次吉祭由凶而漸吉也曾子既知此遂疑新除喪之後或可與人饋食乎孔子亦以爲不可而但許其可以饋但可者畧許之而不深許之則不若并拒相亦不爲之爲言也愚按饋食本章服終多未明惟吳氏此條爲近之但

父母死則如之何孔子曰塋使人弔如塋之父母死則女之家亦

使人弔父喪稱父母喪稱母父母不在則稱伯父伯母皆已葬塋

之伯父致命女氏曰某之子有父母之喪不得嗣爲兄弟使某致

命女氏許諾而不敢嫁禮也塋免喪女之父母使人請塋弗取而

後嫁之禮也女之父母死塋亦如之取如字○吉日謂婚則也男其父喪則亦稱父名弔之母

喪則亦稱母名弔之或父母已嫁則稱伯父伯母名弔之皆稱其宜也某之子之某伯父名姓猶子故亦稱子也嗣繼也言繼此

曾子問 卷四 五

不得為夫婦也夫婦同等有兄弟之義不稱夫婦者未成婚也
 便某致命之某使者名也致如致仕之致謂致還其許昏之命而
 使之別嫁也女氏雖許諾而不敢以女嫁及昏祿後女父母請婚
 成昏必俟婿終弗取而後此女嫁於他族也婿亦如之者謂女之
 伯笑亦如前致命而諸禮皆同也○按本條既葬之後各致命不
 得嗣為兄弟而終不敢嫁若妻及既免喪而終請皆禮也其終不
 加請而別嫁別娶則何也世蓋有親喪嫁娶而視亡親如草芥者
 茲乃有終喪別嫁別娶而同人道於牛馬者豈禮也哉此宜非孔
 子之言也蓋此意當於周禮媒氏職得之也本條首稱納幣有官
 日則固可謂昏姻以時矣其有故而失時則變也周禮媒氏仲春
 令會男女且察男女之無夫家者而會之此禮制也而其間若無
 故而不用令者罪之所謂故謂喪荒之故也則有故而不用令者
 可原矣此亦禮意也故二者同謂之禮男喪女不敢嫁則女喪婿
 亦不敢娶故曰婿亦如之女不敢嫁者婿自不他娶婿不敢娶者
 女亦自不他嫁則免喪後之使人請必無不如婿者其言婿弗取
 而後嫁之女弗嫁而後取之者蓋言非婿弗之取則必弗嫁而非
 女弗之嫁則亦必弗取耳味而後二字正明不敢
 嫁不敢取之義也而以詞害意可乎學者詳之
 曾子問曰親迎

女在塗而婿之父母列則如之何孔子曰女改服布深衣縞總以

趨喪女在塗而女之父母死則女反迎去聲○嫁服士妻祿衣大

布深衣白布為深衣也納總生紫紵為也而束髮也婦人未成

之服蓋如此女反不書改服者有文也○何註曰女子在室為父

三年父卒為母亦如之已嫁則期今既在塗非在室矣蓋亦止用

奔喪之禮而服期其改服亦布深衣納總也愚按舊註殆非也下

章云女未廟見而死不還於祖廟不謂於皇姑歸葬於女氏之

宗未成婦也夫女未廟見且未成婦况在塗乎塔於女不杖不

不矣則又不以婦服服之也夫嫁女之所以降其父母族屬之

服者以其受服於舅氏而義無兩重也其父母族屬亦各為之

其所服者以有代而受之者也今以女死不還祖不謂姑及塔

成服之義推之則在塗之女未受重於舅氏者不得降其本服而

其在喪以至免喪則又各以禮滿而後可謂為兄弟也此如塔

親迎女未至而有齊衰大功之喪則如之何孔子曰男不入改服

於外次女入改服於內次然後即位而哭喪謂壻家之喪也男改

門外之次女改於內而服深衣於門內之次然後各即位而

哭不言女家有齊衰大功之喪者齊功服輕女不反歸也

曾子問

禮記

卷

問曰除喪則不復昏禮乎孔子曰祭過時不祭禮也又何反於初

除喪過謂壻之父母喪及其齊功之喪也反猶復也謂復為昏禮

如初也孔子言祭重而昏輕重者過時尚廢况輕者豈可反於初

乎蓋除喪但如凡人從御復寢而已亦不復行昏禮也然

不祭亦止謂四時之常祭耳若禘祫大祭則過時猶追矣

曰嫁女之家三夜不息燭思相離也取婦之家三日不舉樂思嗣

親也三月而廟見稱來婦也擇日而祭於廟成婦之義也准取也去祭見

音現○思相離則不能寢寐故不滅燭思嗣親則不無成傷故不

舉樂此昏禮所以不賀也婦人謂嫁曰歸故稱來婦舅姑存厥明

婦見舅姑沒則三月見於廟而祝詞告曰某氏來為婦也擇日而

祭謂於三月之內擇吉廟見以祭非廟見後更擇祭也成婦之義

者成婦禮也○曾子問曰女未廟見而死則如之何孔子曰不遷於

祖不祔於皇姑壻不杖不菲不次歸葬於女氏之黨示未成婦也

不遷於祖不遷柩而朝於祖廟也不祔於皇姑不祔主而列於姑

次也壻服齊衰期而不杖其不著草履不居哀次而女則歸葬於

女氏之奠凡以未廟
見則未成婦故也。曾子問曰：取安有吉日而女死如之何？孔子

曰：婿齊衰而弔，既葬而除之，夫死亦如之。亦如之者，女以斬衰往，

而節同也。註曰：既葬而除。○曾子問曰：喪有二孤，廟有二主，禮與未

孔子曰：天無二日，土無二王，禮無二主，禮與無二上，未知其為禮也。

上猶祔也。容禘郊社，其祔之無二上，猶天之日土之王。昔者齊桓

公亟舉兵，作偽主以行，及反，藏諸祖廟，廟有二主，自桓公始也。亟

器。○此以下明二主二孤之由也。亟，數也。禮師行，或遷，或

以示，或奉，今不用遷，主而作偽主，又藏於廟，是二主也。喪之二

孤，則昔者衛靈公適齊，遭季桓子之喪，衛君請弔，哀公辭不得命，

公為主，客入弔，康子立於門右北面，公揖讓升，自東階西鄉，客升

自西階，弔公拜，與哭，康子拜稽顙於位，有司弗辨也。今之二孤，自

季康子之過也

如去聲。公為王者國君，邦國之臣，尊卑不等。故哀公王之也。禮大夫既痛而君來，明主人門右。

北面哭拜稽顙。今哀公既為王拜，賓康子但當哭踊而已。乃拜稽顙於位，而有司不能辨，正是二孤矣。豈非過乎？言過而不言始者。

康子為孔子同時故也。靈公先桓子卒，註謂當為出公。靈公先曾子問曰：古者師行必以遷廟主

行乎？孔子曰：天子巡守以遷廟主行，載於齊車，言必有尊也。今也

取七廟之主以行，則失之矣。

守行同齊，齊同。遷廟主謂毀廟之

其中矣。金路謂之齊車，上章言軍立傳。當七廟五廟無虛主，虛主

者，惟天子崩，諸侯薨，與去其國與禘祭於祖，為無主耳。吾聞諸老

聃曰：天子崩，諸侯薨，則祝取羣廟之主而藏諸祖廟，禮也。卒哭成

事而後，至各反其廟，君去其國，大夫取羣廟之主以從，禮也。禘祭

於祖，則祝迎四廟之主，主出廟入廟必踣。老聃云：

禘音洽，踣音職。大音泰，能去聲。

於祖，則祝迎四廟之主，主出廟入廟必踣。老聃云：

○此申上文之意也。祭廟之主，通謂天子七廟之三昭三穆諸侯
 五廟之二昭二穆也。上文取主止言天子之七廟，此迎主止言諸
 侯之四廟。五文耳。主皆藏祖廟者，以喪三年不祭，且樂生者為因
 事而集也。此無主一也。主皆從其君者，不敢棄先，祖以去也。此無
 主二也。迎主以入祖廟，且出入必蹕者，以合食為大禮也。此無主
 三也。無主惟三者為然，則師行不得以未禮之主，則祭廟孔子
 問禮者，故引其。曾子問曰：古者師行無遷主，則何主？孔子曰：主命
 言而申結之。曾子問曰：天子諸侯將出，必以幣玉皮圭告於祖廟，遂
 車以出，載於齊車以行，每舍奠焉，而後就舍，反必告設奠，卒斂幣
 玉藏諸兩階之間，乃出，蓋貴命也。既以幣玉告於在廟，則奉
 此幣玉猶奉至之命也，故必
 奠神之也。反則告廟，埋藏而○于游問曰：喪慈母如何？孔子
 乃出於廟，亦不敢廢之意也。
 曰：非禮也。古者男子外有傅，內有慈母，君命所使教子也。何服之
 有？家語喪慈母之上，有諸侯之世子五字，喪與非不登。○禮凡吳
 氏曰：慈母有二，其一大夫士之子無母，父使庶母之無子者以
 已會子問 卷四 八

為子儀禮喪服傳齊衰三年章所稱慈母如母是也其一國君子
 生擇諸母使為子師其次為慈母其次為保母內則及此條孔子
 所稱者是也而後世於二者之等未之審也或執喪慈母如母之
 文而施於君命所使教子之慈母則失矣故子游疑其禮而孔子
 特明君命所使教子者而告之也山陰陸氏曰男子外有傳內有
 慈母君命所使教子也古者師弟子無服蓋如此愚按慈母所以
 差為二等者以其分而言一則國君之子一則大夫之子崇與卑
 異也以其恩而言一則使教其子一則命無功子淺與深又異也
 故其服制不同昔者魯昭公少喪其母有慈母良及其死也公弗忍也欲

喪之有司以聞曰古之禮慈母無服今也君為之服是違古之禮
 而亂國法也若終行之則有司將書之以遺後世無勿不聞乎公

曰古者天子練冠以燕居公弗忍也遂練冠以喪慈母喪慈母自

魯昭公始也少喪為並去聲○良善也慈母無服而昭公既練冠燕居之說以服之其意明矣况復喪慈母如母

乎此又引以申上文之意也○鄭註曰天子練冠以燕居蓋謂成
 子王為其生母也昭公年三十乃喪其母齊歸是不少且與喪

戚容又安能不忍於慈母乎其非昭公明矣宋知何公也疏曰天子爲其母練冠經無明文鄭云善者疑謂乃異代之制也考家語孝公有慈母良是孝誤爲昭耳愚按父母之喪自天子下達期以下諸侯絕大夫降此所謂諸侯絕旁期也况於若使教子之慈母和若庶子生母之服則有不可一例言者疏于爲母齊衰三年父在則期此母爲父降無貴賤一也妾之于士以下其子爲其母如母大夫則父在爲其母大功父卒亦三年高侯以上則父在爲其母無服父卒爲之大功此庶爲嫡降貴與賤異也今本章所稱古者天子練冠以燕居初不言爲其生母強疑其如此疏以其無明文而指爲異代之制似得矣然考儀禮喪服記云公子爲其母練冠衣緇緣既葬除之傳曰何以不在五服之中也若之所不服于亦不敢服也鄭註曰諸侯之妾子厭於父不得伸懼爲制此服不奪其恩也則此練冠之制蓋公子於其生母爲國君所厭之禮服非言國君自爲其生母更非言天子爲其生母也又考儀禮喪服大功章云公之喪昆弟爲其母大功傳曰先君餘尊之所厭不得過大功也禮麻章云庶子爲父後者爲其母緇緇曰麻章者爲一也不敢服其私親也有死於宮中者則爲之三月不舉祭因是以服也然則諸侯之妾子父卒爲其母大功而其或爲父後則惟服緇也以此推之則庶子王乃天子之庶子爲父後者而其於禮亦當用緇之正服喪經以服之又豈有川五服以外父在厥

抑而樂冠。冠緣之。纓制者。歲大親喪。下達。庶子之生母。君在既厭。於君。與比君。卒。又以除。尊厭而僅為之。大功。其或為君之後者。又。以喪者。不祭。而不散服。僅得練。死於宮中。三月。不舉祭者之例。以。仲其。總制。其情之為禮。抑者。固已多矣。而謂庶子王。反逆禮。而新。為之。總制。亦傳言。母以子貴。以父妾而尊。為君夫人。此公羊氏之說。亂嫡妻之分。禮之所不為也。昔者。疏之。禮詞。而不為之考。辯是。又。滋禮之。或也。然則公之所引者。果何指也。考記中。凡引家語。入記。者。多截去首尾。如此條。家語所載。本云。古者天子。喪慈母。練冠。以。無。姑。則公固不免。託於古。以文其過矣。疏既知以家語。孝公。辯。註。昭公之疑。而獨不以家語。喪慈母。辯。為其生母之疏。何哉。○

曾子問曰。諸侯旅見天子。入門不得終禮。廢者幾。孔子曰。四。請問之曰。大廟火。日食。后之喪。雨霑。服失容。則廢。如諸侯皆在。而日食。

則從。天子救日。各以其方色。與其兵。大廟火。則從。天子救火。不以。

方色。與兵。見音現。大音泰。○旅。家也。方色。謂所服之屬。東方青。南方赤。之類。兵。謂兵器。隱義云。東方戟。南方矛。西方鉞。

北方旗。中央數也。日食。陰陽爭。故正。曾子問曰。諸侯相見。揖讓。五行。方色。以厭。勝之。火。則數之。而已。

入門不得終禮，廢者幾。孔子曰：六請問之曰：天子崩，大廟火，日食。

大廟火，日食，大廟火，日食，大廟火，日食。前大廟，王廟之大廟也。后大廟，王后及諸侯大廟也。

天子崩，大廟火，日食，大廟火，日食。曾子問曰：天子嘗禘郊社五祀之祭，簠簋既

陳，天子崩，后之喪，如之何。孔子曰：廢也。此下二節，言王祭禮變之禮。

是也。說見王制。蓋既陳，既言當祭也。天子崩，謂暴崩也。曾子問曰：當祭而日食，大廟火，其祭

也。如之何。孔子曰：接祭而已矣。如牲至未殺，則廢。當祭，承上言者。

祭，非接之言。連提連之義。日食，大廟火，殺王后崩，為禘，故牲殺之。

天子崩，大廟火，日食，大廟火，日食。天子崩，大廟火，日食，大廟火，日食。

天子崩，大廟火，日食，大廟火，日食。天子崩，大廟火，日食，大廟火，日食。

天子崩，大廟火，日食，大廟火，日食。天子崩，大廟火，日食，大廟火，日食。

祀之祭不行已葬而祭祝畢獻而已既殯而祭謂自禭至殯不祭

迎尸而入坐也有勸也酌食畢而以酒漱口也王侯之祭禮亡冷

以大夫少牢士特牲之禮推之士祭尸九飯大夫祭尸十飯則

諸侯之祭十三飯天子之祭十五飯也然皆須尸三飯後祝有乃

食今則尸三飯皆罷則止祝更不侑也尸飯畢主酌尸尸能注注

又獻祝獻饋食今祝既不侑亦自無酢主以下也此殯後祭五祀

之禮也設謂設確也自啟殯及反哭亦不祭五祀直待葬後乃祭

而其祭禮漸向吉自獻祝以上其禮皆行惟獻佐食以下仍闕此

又葬後祭五祀之禮也不言寄神郊社者三年之志寄神不行而

天地社稷則既殯之後未葬之曾子問曰諸侯之祭社稷俎豆既

陳聞天子崩后之喪君薨夫人之喪如之何孔子曰廢自殯比至

於殯自啟至於反哭奉帥天子此必二反帥者率○此言俟祭道

既陳互文也君即諸侯亦謂暴葬也比及也始備也謂其既殯葬

而祭社稷之禮亦若天子既殯葬而祭五祀之禮也不言寄神郊

及五祀者俟禮無却祀大嘗神則曾子問曰大夫之祭俎豆既

社沒而已且言祀俎則五祀從同也曾子問曰大夫之祭俎豆既

與君薨夫人之喪君之大期火日食三年之喪齊衰大功皆廢外
喪自齊衰以下行也其齊衰之祭也尸入三飯不侑酌不酢而已
矣大功酢而已矣小功總室中之事而已矣士之所以異者總不
祭所祭於死者無服則祭此言大夫之祭遺變之禮以及於士也
已者大功服輕祭禮稍備十一飯之俟主人獻尸尸酢主人乃止
在室中之事而已者尸在室中之與祝在室中之北廂南面佐食
尸獻祝獻佐食乃止也若常祭主人獻佐食畢次主婦獻尸獻祝
獻佐食又次賓長獻尸尸奠爵不舉待致爵之後尸乃奉爵今皆
以喪殺也士之祭但遺總喪即麻惟所措之喪士於死者雖有服
而所祭之人於死○曾子問曰三年之喪弔乎孔子曰三年之喪
者無服則可祭也

練不羣立不旅行君子禮以飾情三年之喪弔哭不亦虛乎練小

旅來也。羣立旅行則為忘哀。况弔乎。先王因人情而制禮。以爲節。直衰徑杖爲至痛。節也。皆重喪而弔哭。哀彼則忘親。哀在親則不爲痛。僞矣。非虛而何。曾子既聞此言而愴。弓鼠乃記其喪母而徇哭於子張何哉。曾子問曰。大夫士有

喪可以除之矣。而有君服焉。其除之也如之何。孔子曰。有君喪服

於身。不敢私服。又何除焉。於是乎有過時而弗除也。君之喪服除

而後殷祭禮也。因親喪而問君喪也。殷祭謂祥祭也。言君服在身雖遭親喪不敢成服也。始尚不成服矣。况終行除

服之禮乎。此所以時過不除。惟待君服既除之後。然後次月行小

禮之祭。又次月行大祥之祭也。蓋義以斷恩而不復除親之服。其

禮如曾子問曰。父母之喪。弗除可乎。孔子曰。先王制禮。過時弗舉

禮也。非弗能勿除也。惠其過於制也。故君子過時不祭禮也。舉之

祭謂時祭也。言先王制禮有節。過時不復追行禮也。今不追除服非練不能而弗除也。惠臨制也。且如春祭或以事廢。至夏則推行夏祭。不復追舉春祭矣。時祭之不追行如此。若親喪之行殷祭而不追除服。又何疑哉。○按親喪有節之成。服有祥之除。服此正也。

若有君喪而遭親喪則其前也舉視喪之墳禮而不成服也若有親
喪而遭君喪則其後也補親喪之祥祭而卒除服此權也故親喪
既葬而遭君喪者其後遇補小祥大祥之祭既練而遭君喪者其
後但補大祥之祭而皆不復行除服之禮此所以曾子問而夫子
答之如此也所以然者除喪因祭而舉也祭不為除喪設也此喪
服小記之義也故祭與除服為二禮而此則祭而不除耳或乃誤
以祥祭除喪為一體謂君服除而追祭惟廟子之為大夫士者行
之若庶子為大夫士則簡子並行喪禮他日雖除君服而不追祭
也若身不除親喪與此曾子所以復問也夫合祭除為一初非禮
之不義也禮子也祭則庶子從祭是即祭矣可不祭之有以不明
祭除分合之禮宜失經義而非過時不祭之義 ○曾子問曰君薨
亦曲而禮通也其夫豈遠也哉舉者幸非禮也 ○曾子問曰君薨
既殯而臣有父母之喪則如之何孔子曰歸居於家有殷事則之
君所朝夕否也殷事謂薦奠之盛禮也之適也曰君既啟而臣有父母
之喪則如之何孔子曰歸哭而反送君也殷事謂也歸哭哭親喪也
反送君送君葬也陳註曰
此三節皆對推若親喪既殯而後有君喪則之君所有殷事則歸
家朝夕如在君所也若親殯既啟而有君喪則亦行哭於君所也

曾子問 三

反送親 曰君未殯而臣有父母之喪則如之何孔子曰歸殯反於

君所有殷事則歸朝夕否大夫室老行事士則子孫行事

行事謂攝行其事也大夫士既反於君所而親喪朝夕之奠有不

可廢者大夫尊故使室老攝士卑故使子孫攝也○按陳說君未

殯而臣有親喪亦與親未殯而臣有君喪對推之思細玩不憮夫

君未殯有親喪則且舍君之殯先歸以殯親而後反於君所矣豈

有親喪未殯反舍親殯以殯君而後歸殯者哉故此節對推之說

非也蓋臣有尊君抑親之理如此文反於君所而室老子孫行事

是也有先親後君之理如此文歸殯親而後反於君所是也所以

然者殯者送死之大也君殯不必一臣而親殯非于親行不可也

此其與朝夕饋食之事固殊而其權衡輕重亦 大夫內子有殷事

自見矣則陳註又安得而輕為一切之說哉

亦之君所朝夕否 內子上下大人卿之妻也言大夫妻事上以見

舅姑之禮出共禮如其夫之歸居於家故有殷事亦之君

所而朝夕則不也儀禮喪服云妻為夫之君如婦為舅姑○既不

誅幼才誅長體也唯天子稱天以誅之諸侯相誅非禮也

誅之

也然其行爲謀以定說也稱天以謀者君命無二惟天在也○會
故也雖天子猶假天以稱之則謀貴謀長及相謀之失明矣○會

子問曰君出崩以三年之戒以柩從君葬其入如之何孔子曰其

殯服則子麻弁經疏哀非杖入自闕升自西階如小斂則子免而

從柩入自門升自阼階若大夫士一節也柩音闕其供同從斂並
去聲○戒之言備也與

棺也慮不即歸或失於外而客死故以從也其殯服謂供主人殯
時之服也人謂柩入也孔子言其時已大斂而供殯服則子從柩

合著麻弁經疏疏衰然其杖之服至柩入時則自宿宮門西邊
而入其杖對之處乃杖實位之西階以凡此蓋親已殯而以事

死之禮事之也如或方小斂而木成則子首惟著象身亦惟著
布深衣以從而其入則自門升則自主位之阼階此則親未殯

而以事生之禮事之也凡此乃
君與大夫士之遠親無異節也○曾子問曰君之喪既引聞父母

之喪如之何孔子曰遂既封而歸不俟子引去聲封窆同○遂謂

下棺即歸不俟
世子退而返也曾子問曰父母之喪既引及塗聞君薨如之何孔

禮記 曾子問 卷四 三

子曰遂既封改服而往遂亦謂遂送親柩也改服服若喪也葬記

布深衣而行也○曾子問曰宗子為士庶子為大夫其祭也如之何孔子

曰以上牲祭於宗子之家祝曰孝子某為介子某薦其常事若宗

子有罪居於他國庶子為大夫其祭也祝曰孝子某使介子某執

其常事祭禮士特牲大夫少牢上牲謂少牢也必往宗子家而祭

者以宗廟在宗子家也孝子謂宗子介子謂庶子不稱庶

而稱介者介為副貳之義貴貴之道也常事謂成祭之常事稱為

某薦者宗子祭而尊庶大夫之詞稱使某執者庶大夫祭而尊宗

子之詞蓋宗子無罪去國則廟主隨行者若有攝主不厭祭不旅不

罪則不隨行故庶大夫得祭而祝詞如此攝主不厭祭不旅不

假不綏祭不配布奠於賓賓奠而不舉不歸因其辭於賓曰宗兄
宗弟宗子在也罔使某辭祭幣則假詩作幣綏周禮作罔○介子
不當主祭故謂之攝主而禮畧於宗子
者凡五以其次言之當云不配不陪祭不厭不旅不厭祭此蓋也
文也所謂不配者祭禮尸未大祝告神曰孝孫某來日丁亥用

或事於皇祖伯某以某妃祀也所謂不陶祭者陶減毀之名也且與主人
伯某不言以某妃祀也所謂不陶祭者陶減毀之名也且與主人
也亦有陶祭主人減黍稷率內祭於豆間尸減豆及黍稷減祭於豆
間今則尸自陶祭攝主不尚也所謂下服者服謂度之詞也且十
一飯畢主人饋尸尸酢主人畢祝祝主人曰皇尸命工祝承致多
福無疆於女孝孫來女孝孫使女受祿於天宜稼於田眉壽萬年
勿替引之主人拜屏僎首今攝主則亦不殿也所謂不旅者不旅
酬也詳見前篇所謂不廢祭者廢飲也其禮有陰饗有陽饗迎尸
以前祝的奠食為主人勉神飲享在室與陰幽之處故曰陰饗尸
設之後佐食徹尸執設於西北隅陽謂之東故曰陽饗於彼乎於
此乎皆由具享而饗飲之義此以次當為陽饗而今亦不廢祭也
布陳也雖猶告也又言酬賓時布陳於賓之北賓坐取奠於
俎南而不界以俎兄弟以中不旅之義而其助祭之賓亦不歸以
俎俎則又其不備禮之一端也其將祭告賓之辭又有三若宗子
於廟主或為兄或為弟則謂宗兄宗弟某在他國使某執其常事
使某執其常事此則告賓之通例也
曾子問曰宗子去在他國庶子無
爵而居者可以祭乎孔子曰祭哉請問其祭如之何孔子曰盥

曾子問

卷四

四

而為壇以時祭若宗子死告於墓而後祭於家宗子死稱名不首
孝身沒而已子游之徒有庶子祭者以此若義也今之祭者不首

其義故誣於祭也若順也首先也宗子有罪去國廟主雖不隨行然庶子無爵不得祭於宗子家之廟亦不敢自

於其家行祭故常祭時但望墓為壇而祭若宗子死則庶子告於

墓而後自祭於其家矣然其稱祫稱子某而不敢如宗子稱孝子

某惟庶子身沒則庶子之嫡子可稱孝其子游之門人有庶子祭

者皆用此禮是順古義也今世俗庶子之祭者不能先求制禮之

義而率意行之祇見其誣而已矣○曾子問曰祭必有尸乎若厭祭亦可乎孔子

曰祭成喪者必有尸尸必以孫孫幼則使人抱之無孫則取於同

姓可也祭殤必厭蓋弗成也祭成喪而無尸是殤之也祭初陰厭尸未入祭

終陽厭尸既起是陽祭無尸也夫于嘗祭成人之喪者必象以尸

而尸必以孫若無孫又取同姓之與孫等列者則尸不可無明矣

惟祭殤則無祭而不立尸以其未為成人耳孔子曰有陰厭有陽

厭曾子問曰：殤不祔祭，何謂陰厭？陽厭？孔子曰：宗子為殤而死，庶

子弗為後也。其吉祭，特牲祭；殤不舉，無所俎，無玄酒，不告利成。是

謂陰厭。凡殤與無後者，祭於宗子之家，當室之白，尊於東房。是謂

陽厭。禮記疏注：疏謂作備，辟之誤也。所音亦。○此章頗多闕文，疑義難

備，葬相近，故知其誤也。宗子為殤，不為俎，俟凡殤可知。又宗子為無舉

肺之屬，凡殤亦在其中。皆不言者，省文也。宗子之殤，古祭以特牲

凡殤合以特牲，凡殤之陽厭當室之白，宗子殤之陰厭合於室之

與否不言者，互文也。孔子承上文而言祭殤之禮，有鑿於陰幽者

有鑿於陽明者，蓋或則陰鑿於祭之始，或則陽鑿於祭之終，非兼

之也。曾子不悟而問祭殤禮，畧不備，何始末有此兩層乎？孔子乃

言是孟殤而分為之祭耳。豈殤而備焉之祭乎？蓋有祭宗子之殤

之禮，有祭凡殤與成人而無後者之禮，以祭宗子之殤之禮言之

宗子雖年其為殤而死，亦無為人父之道而庶子不為之後也。但

其卒天後之吉祭，則不用祭殤之特豚，而從成人之特牲，以陰之

而已。若其平時祭殤之禮，所殺於成人者，有四：凡祭佐食者，舉肺

脊以投尸，祭而食之。今祭殤無尸，故不舉凡尸食之餘。主人敬尸

會子問 卷四 吉

而歸之所。今無尸故無所祖。太古以水行禮。後世重古而設之。名爲立酒。今以殤降。故無立酒。利猶養也。凡事尸禮畢。出立尸外。祝東面告利成。遂導尸以出。今無尸。故亦不告。是謂祭殤之陰。陰其祭。蓋於祖廟西南隅陰暗之處。而設尊於尸東也。其祭凡殤及成人而無後者之禮。但於宗子是大功內之親。皆於宗子家之祖廟祭之。與祭宗子之殤之禮畧同。惟其祭必當室中。西北隅明白之處。尊於東房。與宗子之殤爲異。是謂祭殤之陽。曆也。○程子曰。無服之殤不祭。下殤之祭終父母之身。中殤之祭終兄弟之身。凡殤之祭終兄弟之子之身。成人而無後者終兄弟之孫之身。馬氏曰。殤者不成禮之祭也。宗子殤者祭於陰。凡殤與成人而無後者祭於陽。其異何也。宗子殤矣。反諸幽求神之道也。凡殤與成人而無後者之曰。則所謂堂事畧矣。愚按。禮請作備。義亦得之。然謂如子固合而註疏未之思也。喪禮自卒哭以後。明目以其庶祖而殤者卒哭。則已不得以其昭穆之班。附主人廟。故僅得祭時。從其祖。附食而已。然則殤不附祭。與從祖附食之義。固並行不悖。而其祭之。不備禮。亦自具其中矣。何必改字而後訓爲不備祭之義乎。○曾

子問曰。葬引至於壙。日有食之。則有變乎。且不乎。孔子曰。昔者吾從老聃助葬於巷黨。及州。日有食之。老聃曰。丘。止柩。就道右。止哭。

以聽變既明反而後行曰禮也反句非句而丘問之曰夫柩不可
 以反者也日有食之不知其已之遲數則豈如行哉老聃曰諸侯
 朝天子見日而行逮日而舍奠大夫使見日而行逮日而舍夫柩
 不遂出不奠宿見星而行者唯罪人與奔父母之喪者乎日有食
 之委知其不見星也且君子行禮不以人之親戚也吾聞諸老聃
 云引去聲唯音庚不否同夫音伏下同數迷同朝音潮舍使並去
聲其音同亦同平聲○州道也自變謂變常禮否謂無變也凡
柩北向而出道右謂道東也陰陽謂聽日之變數反復也以及之
反謂柩反也已之言竟謂日竟而明復也日食之遲速本有常度
而其數未盡其實恐既久而遲犯皆難故不如行也舍奠止舍而
設奠於行也也庶病也日食既而星見則昏暗中恐無被奠非人
子所必出也且君子助人行禮又豈可
使人親喪於患難哉背深謹之之詞
 ○曾子問曰為君使而卒
 於舍禮曰公館復私館不復凡所使之國有司所授舍則公館已

何謂私館不復也孔子曰善乎問之也自卿大夫士之家曰私館

公館與公所為曰公館公館復此之謂也

為使並去聲○復所謂招魂復魄也公館公家

所造舍客之館公所為則公所命舍客之館其館雖非公造而以公命亦謂之公館也

○曾子問曰下殤土

周葬於園遂與機而行塗邇故也今莫遠則其葬也如之何

同○

土周夏后氏之棺也一名望棺植弓周人以夏之望周葬中為下焉是也與猶抗也與昇同義機者與尸之具木為之如牀而無脚以繩經其中央又兩旁鉤之乃以手抗之以行也臨川吳氏曰周人葬下殤之禮不用棺但以衣斂尸而置之尸牀且不用車載宋昇以就岡乃斂於土周而葬焉曾子問古禮若此蓋以途邇故也今禮變而墓遠則不用棺不用車似有不可故問當如之何也○陳註曰與機而行謂大夫之下殤及士庶人之上中下殤耳若大夫之遠長殤中殤有遺車者亦不與機也孔子曰吾聞諸老聃曰昔者史佚有子而死下殤也墓遠召公謂之曰何以不棺斂於宮中史佚曰吾敢乎哉召公言於周公周公曰豈不可

史佚行之下，殯用棺衣棺，自史佚始也。史佚，周良史也。言猶問也。用棺衣棺者，謂川棺而衣。

飲於棺中也。臨川吳氏曰：史佚葬子慕遠，因疑昇尸之不可矣。而

名公勸棺，故於官中。則將如成人，載以喪車而役可也。故史佚未

敢遽行而召公問於周公，乃答曰：何不可者？蓋禮有從權而亦無

害於義也。山陰陸氏曰：下殯雖不棺，故於官中。然慕遠而欲拘塗

近之制是謬也。故召公楮之而周公與之。愚按：凡記葬始者，記禮

所由變，非詳詞也。下殯之制，以土周，不以棺，以風，不以墓，以佚，不

以與成人之與小童等。固然矣。然考所為園地者，如槨場之際，園

園之所，川里都邑，固多有之。是適也。若京畿都會，其地既廣，其人

亦煩，即所謂以場園任園地，亦自有遠者。况又有不得於園者乎？

塗既不適，則不能無棺而車必囚之。此非好為變勢，則然也。吳氏所謂無害於義者，其以此哉。

○曾子問曰：卿大夫將為尸於公，受宿矣而有齊

衰內喪，則如之何？孔子曰：出舍於公館，以待事禮也。舍去聲。○宿

祭一日肅而告尸之名，儀禮所謂宿尸是也。受訓受主人之宿也。

其時有大門內齊衰之喪，則必出居公館，以待祭事畢而歸哭者。

凡以古因。○孔子曰：尸弁寃而出，卿大夫士皆下之，尸必式，必有

前驅有為大夫士者故也出而卿大夫士為之下車敬也尸必式
答之也必有前驅
者辟除行人也
○子夏問曰三年之喪卒哭金革之事無辟也

者禮與初有司與孔子曰夏后氏三年之喪既殯而致事殷人既

葬而致事記曰君子不奪人之親亦不可奪親也此之謂乎辟避

千駭○無辟謂君事無敢辭避也言金革之事則以下可知矣此

禮當然與抑初或有司過遺之與蓋疑之也致猶遺也夏禮則殯

後即還其事於君設禮則葬後亦還於君蓋君不強其任事以奪

人之親而臣亦不可干事以自奪其親此君子處人處己之道然

也故引記
以明之
子夏曰金革之事無辟也者非與孔子曰吾聞諸老聃

曰昔者魯公伯禽有為為之也今以三年之喪從其利者吾弗知

也上為字去聲○魯公喪母以徐戎之難東郊不開卒哭後不得

已而征之是有為為之也今居喪而川兵以逐利者不知其何
禮也蓋其
非之之詞

文王世子第八

此篇詳言教世子之法而篇首引文王以發端故以名篇

文王之為世子朝於王季日三雞初鳴而衣服至於寢門外問內

豎之御者曰今日安否何如內豎曰安文王乃喜及日中又至亦

如之及莫又至亦如之

朝音潮衣去聲豎音樹莫暮同○內豎周禮內小臣是也值日曰御禮世子朝夕朝

父母今文王日三聖人過人之行也此言進見之禮也

其有不安節則內豎以告文王文王

已憂行不能正校王季復膳然後亦復初

節謂起居飲食之常節不安節謂有疾也此言

疾之

食上必在視寒煖之節食下問所膳命膳宰曰未有原膳

曰諾然後退

上聲○食下進○膳在案也食下徹膳北門所膳問食之多少與也本節勿也問也謂食餘不可再進

也此言奉

武王帥而行之不敢有加焉文王有疾武王不說冠帶

而養文王一飯亦一飯文王再飯亦再飯

○帥循也○不云不敢有

不及而云不敢有加者聖人之行但患過不患不及也此
總承上文之詞下文特以事疾明之以起夢錫之本末也

曰乃間文王謂武王曰女何夢矣武王對曰夢帝與我九齡文王

曰女以為何也武王曰西方有九國焉君王其終撫諸文王曰非

也古者謂年齡齒亦齡也我百爾九十吾與爾三焉文王九十七

乃終武王九十三而終問去聲女音汝○病間猶言瘳也病時覺

病在身無少間隙故謂利瘳為間也文王

問何夢者病已後武王乃得安寢故問以發之謂年為齒者齒字

從齒故言年齒又言年齒齒是人壽之數也然數之倚短稟氣於

有生之初文王雖愛其子豈能減已年而益之哉好事

者為之辭而不究其理辭者信其說而莫之敢議也成王幼不
能泄阼周公相踐阼而治抗世子法於伯禽欲令成王之知父子
君臣長幼之道也成王有過則撻伯禽所以示成王世子之道也
文王之為世子也相去聲長上聲○泄臨也臨也不能臨阼昔曰小于
同未在位是也相助也輔也抗舉也劉氏曰成

王幼弱雖已泄作爲天子而未能泄作故周公以蒙宰攝政輔王
以教伯禽俾王有所親效或王愆於法則據伯禽以警而示之凡
此所示之道即文王之所爲世子者而王所宜效法也○此章歷
引文武周公以明世子之法也○凡學世子及學士必時春夏學干戈秋冬學羽

舞○此章承上文推言教世子之屬之
於學也必時節四時各有所教也東序謂夏太學名周設以

爲小學也干戈羽籥皆舞器干戈爲武舞故於陽氣發動之時教

之羽籥爲文舞故於陰氣安靜之時教之小樂正學干大胥贊之籥師學戈籥師承贊

之胥政南禮教舞止言干戈者統詞也胥即大胥政南未詳陳註

曰南謂南蠻之樂也明堂位東曰昧南曰什西曰朱麗北曰禁周

禮麗人教國子以南樂大胥擊鼓以爲節也先王作樂而兼以遠

方之樂教者蓋以示德化之無外品類之感矣春福夏弦大師詔

而奏之郊廟以鳴盛與獨舉南樂亦統詞也

之誓宗秋學禮統禮者詔之冬誦書典誓者詔之禮在誓宗書在

上席大音養○謂謂鐘樂章鼓則以琴瑟播之也大師亦周禮樂

前代之樂為其小學而大師之凡祭與養老乞言合語之禮皆小

樂正詔之於東序乞言謂養老之時因乞善言之可行者於此老

之時皆以先王之法合會而相告語也凡大樂正學舞干戚語說

命乞言皆大樂正授數大司成論說在東序大樂正周禮謂之大

即合語之語說命猶辭也謂乞言之詞命數者篇章之數也大司

成周禮無其官王氏謂師師傳保為之後文謂樂正司樂父師司

成是也陸氏謂凡有道者使教焉他日視為樂祖者也二說大同

小異皆可通上文小樂正之屬學舞詔禮各於東序矣而此又屬

之大樂正大司成者蓋大樂正先授以篇章之數而小樂正之屬

乃教詔之於是大司成乃於東序而論說以課其成也此以上歷

言教者授業

課功之職也凡侍坐於大司成者遠近間三席可以間終則負牆

列事未盡不問

問如字一讀去聲○問謂其中間所容也一讀去聲猶隔也席廣三分丈之一中問容三席恰一丈

故曲禮謂之高文相對如此取其便於問也列陳也問終則却執
後席背負諸器而生以避後來問事之大其問有未達則必待其
故言已盡然後更問而凡學春官釋奠於其先師秋冬亦如之夏
不敢先問以參錯之也

釋奠未詳方氏曰言三時而不及夏者強補一師也春謂夏弦皆
大師詔之秋學禮則執禮者詔之冬讀書則典書者詔之故春一
釋奠秋與冬各一釋奠也官通謂教詩書禮樂之官也或曰春下
疑就夏字或又曰官字恐即夏字之誤也按方說亦自有理或說
較平正也釋置也其禮但奠置所薦之物而無祭禮迎尸食飲之
節蓋主於行禮而已非報功故也先師謂先代明習此事者後

世禮有高堂生樂有制氏者 凡始立學者必釋奠於先聖先師及
有伏生詩有毛公之屬也

行事必以幣 諸侯初受封天子命之教所謂始立學也立學事庶
也也即謂釋奠之事始立學必用幣而特教其不用幣亦重立學也 凡釋奠者必有合也有國故
則否 合謂合樂也惟國有因喪之故則否若非國故則釋奠豈
凡

大合樂必遂養老 言大合樂之時人君視學必養老節常
事合樂則不養老以見養老之為重也 凡詔於

邪者必取賢效才焉或以德進或以事舉或以言揚曲藝皆譽之

以待又語三而一有焉乃進其等以其序謂之知人可遠之句

於成均句以及取爵於上尊也遠去聲○語論語也鄭如學也致

序序之也謂之章日之也成均黃氏謂五帝太學之名上尊堂上

酒尊也及爵得也言凡論辨於郊學者必舉賢才為重而其間道

德為先取功次之言語又次之此三者取士之正也其或無三

者之可取而有曲藝欲試者皆戒之使習以待再語而考論之必

舉說三事而有一可善者乃拔之同等之中次為爵進之所故其

人雖止日為知人而遠之而於舉官則亦得取爵於上尊相旅勸

以為榮焉此則又其取士之廣也此以上特言與教者養老身賢

之典也本節多闕文疑義舊註人字之字均字皆句絕姓侯之然
文義不甚安或疑遠字為遠字之誤當是人字均字為句絕則義
協矣按句理始立學者既與器用幣然後釋菜不舞不投器乃退
恐或然也
儀於東序一獻無介語可也教世子與魯同○器謂千戚羽箭之
版儀謂禮賓也退儀於東序

未詳舊註東序夏太學名諸侯有功德亦兼立異代之學東序與
虞庠相對東序在東虞庠在西此蓋釋榮在虞庠而退宿於此也
一說即學中之東序非必自為一學蓋行禮於學而退宿於其學
之東序也詳見始之義也而古立學之初始成禮樂之器蓋教既
畢即用幣於先聖先師以告成而肅又釋菜以告用也其禮以簡
質為要既不用舞自不投舞蓋禮器而退禮其者亦推行一獻之
禮無饋介無合語可也此申釋奠先師之意也○石梁王氏曰節
末三字衍文也愚按鄭註以為禮上事者得之今坊間編刻文字
亦無識篇句數字於各簡之末即其意與後○凡三王教世子必
文周公鼓雅及樂記子首開樂之節而放此

以禮樂樂所以修內也禮所以修外也禮樂交錯於中發形於外

是故其成也懌恭敬而溫文修內以和心志修外以飭威儀以于

樂自內而達外二者交錯於中而發形於外則合外內之道矣此
所以其成也懌而既有恭敬之實又有溫雅之象也謂之懌者與
論語不亦說乎之說相似蓋修習既熟而中心悅懌其進自不能
已此禮樂交相培養之象也○此以上從陳註之意也下考孔疏
云內外有樂而心悅懌和故其成也懌內外有禮而貌恭心敬故
其成也恭敬而溫文其說將四字分疏與陳註余則學著參之

立太傅少傅以養之欲其知父子君臣之道也太傅審父子君臣

之道以示之少傅奉世子以觀太傅之德行而審喻之太傅在前

少傅在後入則有保出則有師是以教喻而德成也師也者教之

以事而喻諸德者也保也者慎其身以輔翼之而歸諸道者也記

曰虞夏商周有師保有疑丞設四輔及三公不必備唯其人語使

能也少養行並去聲疑如字○養者涵育薰陶之意詳審也示

昭示也喻曉喻也太傅養以身少傅養以言也保謂太保少

保養以事也師謂太師少師亦養以言也師能不言養者文也審

喻諭諸之喻猶教也教喻之喻謂世子喻其教也事即事父事君

之事之屬也即忠孝之德之屬身謂世子之身也天下無事外之
德故教以事而喻諸德天下無身外之道故謹其身以歸諸道四
輔舊謂前疑後亦左輔右弼也三公保傅師也四輔與三公不必
全備唯可稱職者乃設之六句皆記文也不言傳輔翼約詞也語
言也此記者釋詞○方氏曰禮樂者教之道也非教之之人
則道不虛行故立其人以養之也陳氏曰師教之以事而喻諸德

師氏教國子以三德三行是也保讓其身以補賢之而歸諸道保
民養國子以六藝六儀是也尚書大傳曰古者天子必有四鄰百
國無以對責之疑可志而不志責之丞可正而不正責之輔可揚
而不揚責之弼愚按道無不貴而父子君臣之屬其大也自父子
君臣之屬以達於百為萬事之備皆禮以修其外樂君子曰德德
以修其內至禮樂交錯於中而發形於外則德成矣君子曰德德

成而教尊教尊而官正官正而國治君之謂也君子曰德言世子

謂之有德也德成則教道尊嚴凡居官守者皆以正自處而國無

不正矣此世子勉日為君之高世所係如此而謂教可成乎此以

上又特申教世子之重且大也○仲尼曰昔者周公攝政踐阼而治抗世子法於

伯禽所以善成王也聞之曰為人臣者殺其身有益於君則為之

况于其身以善其君乎周公優為之于迂同○前言周公相踐阼

政而治此則相字而下文又衍周公踐阼四字皆記者之失劉氏

曰善於仲之命曰惟周公位深宰正百官則公蓋以家宰攝行天

子之法非謂攝居天子之位也以世子法教世子直道也今舉世

子法於伯禽以教成王則迂矣然人臣殺身為國猶尚為之况周
文王世子
卷四
七

公不遇其身之所行以成是故知為人子然後可以為人父知

君之善乎宜乎優為之也為人臣然後可以為人君知事人然後能使人成王幼不能泄昨

以為世子則無為也是故抗世子法於伯禽使之與成王冠欲令

成王之知父子君臣長幼之義也君之於世子也親則父也尊則

君也有父之親有君之尊然後兼天下而有之是故養世子不可

不慎也事人使人謂事長使幼也武王崩成王無父雖年幼未知

君道若教之為世子則無為子之虞矣故抗法於伯禽以

養教王也君與世子以親則父以尊則君世子能知其義而盡親

親身尊之道然後他日可以保天下不然則其本撥矣然則養

之可不慎乎行一物而三善皆得者唯世子而已其齒於學之謂也故世子齒於學國人觀之曰將君我而與我齒讓何也曰有父在則禮然而眾知父子之道矣其二曰將君我而與我齒讓何也曰

有君在則禮然然而眾著於君臣之義也其三曰將君我而與我齒讓何也曰長長也然而眾知長幼之節矣故父在斯為子君在斯謂之臣居子與臣之節所以尊君親親也故學之為父子焉學之為君臣焉學之為長幼焉父子君臣長幼之道得而國治謂曰

樂正司業父師司成一有元良萬國以貞世子之謂也率教同○物事也三

美謂眾人知父子君臣長幼之道也將君臨乎我而乃同我齒讓故疑之而知禮者從而禮之曰彼蓋父在之時世子之禮當如此也然世子如此而眾皆知父子之道矣下放此學之教之也語古語也樂正即所謂大樂正授數主導率其學業者也父師即保傅師主成就其德行者也一有者作一人謂世子也世子有大善則萬邦皆正矣此以上引孔子所言周公之教世子而因以申明之也
周公踐阼說見上文故世子然劉氏曰此四字說者以下文更
公踐天子位之說其後馴致
新義是攝攝漢齊此恭之也
○庶子之正於公族者故之以孝弟

新義是攝攝漢齊此恭之也

睦友子愛明父子之義長幼之序庶子則禮謂之諸子夏官司馬之屬正政同謂為政於公族也

董周禮庫子掌國子之條公卿大夫士之子道謂之國子而其朝謂長其父謂之條故名也此總言庶子治公族之政也

於公內朝則東面北上臣有貴者以齒謂路寢也言公族朝見於

公若內朝則立於西方面而東以次而南雖臣有貴者一以昭穆

長幼為次父兄雖賤必居上此言其治公族於內朝之禮也

其在外朝則以官司士為之此因官司士掌治外朝之禮也外朝

見與異姓之臣雜列則以官之高卑為次不序年其在宗廟之中

則如外朝之位宗人授事以爵以官其登俊獻受爵則以止嗣此

官宗人治公族於宗廟之禮也宗人詳見儀禮其職掌凡宗廟之

禮百官之職事故名也以爵者爵各有等界不踰等也以官者官

各有職使供其事也登升也食尸餘曰餼上嗣即嫡長也按持牲

饋食之序先時祝酌奠於廟南俟主人獻內兄弟畢長兄弟及

眾賓長為加爵然後宗子使嗣子飲嗣南之奠爵於是尸執奠爵

嗣子進受飲之拜答各以禮所謂受爵也嗣子又舉爵洗酌獻尸

使嗣子及其兄弟升堂而候則此三者受爵在先獻次之飲最在後今世以重在飲故逆言之與○陳註曰此皆士禮大夫避君故少牢禮嗣子不舉奠也愚按內朝親視外朝貴貴宗廟則二者並隆以爵以官貴貴庶子治之雖有三命不踰父兄此申言庶子治公族於內朝之禮也貴雖三命而其位不敢居父兄無爵者之上所謂臣有貴者以齒也○疏曰若非內朝其餘聚會則一命齒於鄉里再命齒於父族三命不齒凡燕會皆別席獨坐在賓之東矣此節應承第二節臣有貴以齒之下以第二節文承庶子之下其主之可知故第二節不言

而在此也其公大事則以其喪服之精疏為序雖於公族之喪亦如之以次主人此又言其治公族之喪之禮也大事謂喪也臣為君皆斬衰而其升數各異各侯本親故庶子序其位大夫使衰庵者在前三精者在後也其公族之相為服者庶子亦以此為序而次主人之下蓋喪服以親族為先而又以喪主為重也

若公與族燕則異姓為賓膳宰為主人公與父兄齒族食世降一等此又言其治公與族燕之禮也族人雖遠其初一人也豈可以

賓客外之乎故以異姓一人為賓使膳宰為主與之酬酢而君

則自與父兄列位以序齒也蓋不忍遽與族為賓主者以厚宗親而亦不致自與異姓為賓主者以全國體且又以見此燕木以為宗族而非以為異姓凡皆仁之至而義之盡也族食猶族燕也族燕為禮燕族食為常食世降一等疏謂一年中齊衰四會食大功三會食小功再會食其在軍則守於公福福言公在軍而庶子所總麻一會食是也公若有出疆之政庶子以公族之無自守之職也君出軍載統至於齊車故庶子守之也

事者守於公宮正室守太廟諸父守貴宮貴室諸子諸孫守下宮

下室此又言公出疆而庶子令公族為守之禮也此朝覲會同之屬皆出疆之政公族之無事者謂其不隨行者也公族總下文正室及諸父諸子諸孫而言公宮總下文宗廟宮室而言也正室謂公族中卿大夫士之適子諸父謂其旁尊諸子諸孫謂卿大夫士之庶孽也太廟謂太祖之廟貴宮貴室謂祖廟及路寢下宮下室謂親廟及燕寢正室守大廟者將為祭主故也以其常室故謂之正室以其常門五廟之孫祖廟未毀雖為庶人冠取妻必告故小宗伯謂之門子冠取妻必告此下五廟又推言治公族凡吉死必赴練祥則告冠取妻必告此下五廟又推言治公族凡吉

廟雖至五世親盡當毀不毀而其廟百世不遠此下高曾祖廟之
四廟至五世以外親盡則遷而毀矣若太祖即為五世之高廟
而其廟原未當毀則其孫不論貴賤其冠昏
喪祭必赴告於君以尚在五世親未盡故也族之相為也宜弔不

弔宜免不免有司罰之至於賄賂承舍皆有正焉為去聲免音問
賄音緇賂音附

承註讀作財舍去聲○有司即庶子也正舊謂正禮也四世而總

服之窮也五世親盡而為祖免六世以從而通其窮也當弔免

而不弔免是為廢禮故罰之而其賄以車馬賄以貨財舍

以珠玉之類總謂之賄則亦隨其親疏各以正禮治之也公族其

有死罪則磔於甸人其刑罪則織馴亦告於甸人織註讀作織馴
專上聲告註讀

作鞫○懸綴以紱謂之磔左傳室如懸磬皇氏謂如懸樂器之磬

是也甸人掌郊野之官織馴也刑制也諸書用法曰鞫漢書謂之

鞫似大辟不於市朝而於甸野及凡刑罪畢則刑之屬公族無官

當刺割者皆於此鞫請刑者以刑之凡以為之隱也刑人幽閉也詳見後文獄成有司讞於公其死罪則曰某之罪

在大辟其刑罪則曰某之罪在小辟公曰宥之有司又曰在辟公

又曰省之有司又曰在辟及三宥不對走出致刑於甸人公又使

人道之曰雖然必赦之有司對曰無及也反命於公公素服不舉

為之變如其倫之喪無服親哭之

辟嫌亦反為去聲○賦成謂訊問得實也議刑曰讞素服不舉

變服也無服謂不為弔服凡居外不聽樂及聘贈之類仍如其

親疏之倫但不服弔服以往弔耳蓋為位於異姓之廟而素服以

親故知無服是不為弔服公族朝於內朝內親也雖有貴者以齒

明父子也外朝以官體異姓也宗廟之中以爵為位崇德也宗人

授事以官尊賢也登饒受爵以上嗣尊祖之道也喪紀以服之輕

重為序不奪人親也公與族燕則以齒而孝弟之道達矣其族食

世降一等親親之殺也戰則守於公禍孝愛之深也正室守大廟

尊宗室而君臣之道著矣諸父諸兄守貴室子弟守下室而讓道

達矣五廟之孫祖廟未毀雖及庶人冠取妻必告死必赴不忘親也視未絕而列於庶人賤無能也敬弔臨賻贈睦友之道也古者

庶子之官治而邦國有倫邦國有倫則衆鄉方矣

殺鄉並去聲○此下二節覆解

上文正公族以下各條也內之也明父子謂序昭穆體異姓謂諸貴賤崇德必有德者新力貴德尊賢惟賢者事乃任也上嗣以嫡制則始始嫡庶自親及疏則親不齊燕會以嫡為序則孝弟不悖而且親而施於庶子者皆殺之義字愛施於死者有探遺之思不敢以輕當而故君出之道皆不敢以卑也故讓道達廟不敢以貴賤隔故於親不怠謂既以賢不外故無能為賤也若弔則賤賤禮以敬施則又所以和時而友愛之也凡此庶子之官治而父子以定長幼以序其教之以孝弟睦友子愛者於是恩明義美而邦國有倫矣則衆有不向方而趨禮教者乎甚矣設官以治公族者之要也公族之罪雖親不以犯有司正術也所以體百姓也刑於隱者不與國人處兄弟也弔弔弗為服哭於異姓之廟為禘祖遠之也素服居外不聽樂私喪之

也骨肉之親無絕也公族無官刑不罰其類也為建道去聲○正術猶言常法與猶

許也應度也蓋族雖親而法難犯故與眾一體以治然猶不許國

人得度其過惡而為之隱也刑既加而祖已辱故於禮一祭不加

然猶加私喪以親其骨肉而不遽絕也官刑謂之屬刑如未朽腐

無發生之理故此刑不及公族而類始不盡矣凡此又其待公族

之有罪者所以為仁至而義盡也○此以上述庶子之職以明待

公族之道與世子法相為表裏其在外朝宗廟雖司士宗人治之

蓋亦庶子○天子視學大昕鼓徵所以警眾也眾至然後天子至

乃命有司行事典秩節祭先師先聖焉有司卒事反命始之養也

適東序釋奠於先老遂設三老五更羣老之席位焉適饌省醴養

老之珍具遂發咏焉退修之以孝養也所音欣更平聲首音醴養

凡物以初為大末為小故初明謂之大既鼓樂鼓也徵召也將視

學學中先以此聲樂也司謂司教之官與樂也秩節猶言常禮

謂釋奠也反復也之註謂往也疏謂釋奠事畢復命天子乃又之

養老之禮也適亦往也先老先世之為老更者也觀學在虞庠而

養老在東序故將適者老而先擇奠以禮之也老更所養之老也
註曰三老及五更各一人羣老無定數然世曰更當為與三老三
人五更五人二說不同然皆年老更事致仕者故名也饌謂饌處
也更修之者謂酌獻也設席位畢天子親率其處者酌醴酒及凡
珍器之具乃作樂登歌延其入即賓位而退酌醴以獻之是修禮
孝養之道也○按註疏始之禮也案承卒事以命句始字與卒字
相應蓋卒事乃始更之養老之處也而其訓始字乃又訓為始立
學以謂若非始立學則無稱奠先老之禮也彼此何矛盾且本
卒專言養老而卒老禮行於卒故以親率先之今若訓為始立學
則上下脈不相蒙即前到親學節又何謂耶况其訓為始立學而
釋奠奠先老為立學而然非徒為養老而然也為立學而然則
前章言立學者必釋奠於先老初不言釋奠於先老若為
養老而然則養老之必釋奠於先老猶教士之必釋奠於先師皆
禮之常也而乃卒始字為始立學而反失上下承接之義可乎又
按周立四代之學虞庠夏序殷學皆周之小學也其辟雍或謂之
成均此其大學也如注疏之說謂親學在虞庠而養老在東序是
二者皆小學耳而考應氏則謂此學之東序非必自為一學也祭
義樂記皆謂合三老五更於大學則天子所視即太學而所適即
其東序明矣視學養老無兩地亦無兩期而其
始與卒之相承接又明也始立學之說胡為哉反登歌清廟既歌

而語以成之也言父子君臣長幼之道合德音之致禮之大者也

反反席也清廟頌之首篇語所謂合語也老更受獻時立於西階

下之夾而天子既退而酌醴以獻矣今皆反升就席乃使樂工登

堂歌詩以樂之歌畢至旅酬時因共合語以成天子養老乞言之

禮也德音詩味文王之德之音也其所語說皆講明父子君臣長

幼之道合乎清廟詩中德下句管象句舞大武句大合眾以事達

音之極致故為禮之大也

有神與有德也正君臣之位貴賤之等焉而上下之義行矣

大武堂下以管奏文王象舞之曲而於庭中舞武王大武之舞

也周頌維清詩乃象舞之樂歌武詩則大武之樂歌眾謂諸學士

也凡此歌舞之盛大會學士以行養老之事固以通達神明典起

德性也而其中綴兆行列之間君臣有位貴賤有等上下之義亦

無不行矣則先王又豈徒於禮之大者苟託之說語而已哉

註曰鄭氏以象為武王伐紂之樂而流因為管中奏象武之曲

庭中舞大武之舞其意蓋以清廟與管象若皆為文王不應分上

下故以下管象為武王也殊不知古樂歌者在上下管周禮太師帥

人歌者皆曰升歌亦曰登歌以管象者皆曰下管周禮太師帥

琴武下管奏樂器謂管下管發鼓是也清廟以人歌之自宜升象

以言於之自宜下此樂皆有堂上堂下之奈命者則其德甚明也禮書曰維清奏象言文王之典季札見舞象而曰美哉斯有特則樂所文王之詩而

知氏以為武王誦矣有司告以樂闕王乃命公侯伯子男及邦吏曰反養老幼於東序終之以仁也

閔音閔○闕終也此時魯內諸侯及諸遂之吏皆與禮節天子使其反國各行養老之禮是仁愛終皆備及也馮氏曰不樂於是此塗去幼字今按後存養幼之義而鄭註無文疑是馮撰也

故聖人之記事也慮之以大愛之以敬行之以禮修之以孝養紀

之以養終之以仁是故古之人一舉事而眾皆知其德之備也古

之君子舉大事必慎其終始而眾安得不喻焉允命曰念終始典

于學養法終允當作此首悅○記事猶下章世子之記之意陳註謂四代皆養老後王養老亦記序前代之事也慮猶謀也人

道其大於學弟故謀慮而擬行之也敬以心言禮以事言以敬而

上禮指名條之意以禮而下則分指各條之文也喻說也引說命

者因養老禮行於學而備終始之義故借以○世子之記曰朝夕結之也此以上申古人君養老之禮也

文王世子

卷四

六

至於大寢之門外問於內豎曰今日安否何如內豎曰今日安世

子乃有喜色其有不安節則內豎以告世子世子色憂不滿容內

豎嘗復初然後亦復初世子之記教世子之禮文石梁王氏謂古

滿亮也盛也容儀也文王胡王季日三此朝夕而已文王行不能

正履此色憂而已蓋又因以見文王武王之為至聖而異於常人

也朝夕之食上世子必在視寒煖之節食下問所膳羞必知所進

以命膳宰然後退膳宰即篇前所命詞也若內豎言疾則世子

親齋立而養膳宰之饋必敬煖之疾之藥必親嘗之嘗饌善則世

子亦能食嘗饌寡世子亦不能飽以至於復初然後亦復初齊齊

去聲○養疾者安齊時所食之方端服蓋教齊而親嘗也善猶多也○此章又推言世子之法以結篇首之意也

禮運第九陳註曰此篇記帝王禮樂之因革及除陽造化流通之理脫出於子游門人之所記間有格言

而篇首大同小康之說則非夫子之言也。后梁王氏曰：以五帝之世為大同，以三王之世為小康，有老氏遺其務夫。予云：爾者蓋記者為之詞，與。愚按此篇亦見家語，而又頗有同異，家語出得之，蓋經傳之失真也甚矣。

昔者仲尼與於蜡賓，事畢，出遊於觀之上，喟然而嘆。仲尼之嘆蓋

嘆魯也。言偃在側曰：君子何嘆？孔子曰：大道之行也，與三代之英

丘未之逮也，而有志焉。與夫蜡，蜡首作觀，去聲。家語作孔子為魯司寇，與於蜡，而其下無仲尼之嘆二句。

蜡禮詳見郊特牲篇。觀門闕也。門兩旁懸國典於上，以示人。故謂之兩觀。而子與為魯蜡祭之者，故祭畢遊其上。而感嘆也。嘆，發見第四章言偃孔子弟子游也。大道之行，謂五帝之上，三代之英，謂三代之時。方氏曰：以其無名無迹，故以道稱之。以其代廢代興，故以代稱之。禮至三代，其文極矣。故以英言之。行，對恩而言。英則對質而言也。夫子言我今雖沐及見此而有志於其所為也。此亦夢見周公之意。故因問而發之。大道之行也，天下為公，選賢與能，講信修睦，故人不獨親其親，不獨子其子，使老有所終，壯有所用，幼有所長，矜寡

不獨親其親，不獨子其子，使老有所終，壯有所用，幼有所長，矜寡

孤獨廢疾者皆有所養男有分女有歸貨惡其棄於地也不必藏

於已力惡其不出於身也不必為己是故謀閉而不興盜竊亂賊

而不作故外戶而不閉是謂大同選去聲下同矜矜同分惡為並去聲○天下為公言不以天下

私其子孫如堯授舜舜授禹是也所選者賢所與者能德才備也

所講習者誠信所修為者和睦內外合也是以親其親以及人親

子其子以及人子使老若壯若幼者矜寡孤獨廢疾者各得其所

男則各修士農工商之職女則得歸良善之家貨惡其棄於地也

然但得財貨以資用足矣不必擅而藏於己也力惡其不出於身

也然但得竭力以成事足矣不必專以營乎己也夫如是故姦邪

之謀閉塞不與盜竊亂賊之事絕滅不起而外戶可以不閉矣

豈非大同之世乎一說外戶者戶設於外而向於內也今大

道既隱天下為家各親其親各子其子貨力為己大人世及以為

禮城郭溝池以為固禮義以為紀以正君臣以篤父子以睦兄弟

以和夫婦以設制度以立田里以賢勇知以功為己故謀用是作

而兵由此起禹湯文武成王周公由此其選也此六君子者衆有

不謹於禮者也以著其義以考其信著有過刑仁講讓示民有常

如有不由此者在執者去衆以為殃是謂小康為已之為並去聲

上存○家語無禮義以為紀至兵由此起十句今味文藝禮義以

為紀以下七句當在謹於禮者也之下記者蓋緣上文以為二字

又勢相類而錯簡也此始非小誤宜正之天下為家言以天下為

私物而傳之子孫也夫大統指王侯也父子相傳為世兄弟相傳

為及以賢以功者以勇知為賢而以為己為功也記綱紀也著明

考成也義質而禮行故曰以著信先而禮後故曰以考刑猶法也

識精習也常謂常法指著義以下五事而言勢猶位也不由此五

者則勢位且去而天下以為殃民也小虞謂不如大同之世家語

亦無此句○陳氏曰此亦太上之世貴德其次務施報往來之意

故言大道為公之世不規規於禮禮乃道德之衰忠信之薄然其

說大約出於老莊之見非先聖格言也愚按篇首本有語病又緣

禮義以為紀七句上下錯簡末後增小康一句其病滋多宜王氏

陳氏詳之嚴也學者以家語參定其文而慎論之可矣又按篇中

數番問答其上下文脈雖相承而意緒各出今舉係孔氏分為段

禮封祭禮而書也果發語聲某死者名也呼之者次令體魄復合
 即是詞所謂招魂知是不生乃行喪禮也飯臘者用上古未有火
 化之法取生柏木為合飯也燕然者用中古火化之利燕燕肉為
 造食也故知魂望天而招之以知氣則升而上也既則葬地而
 之以體魄則降而下也死則首北向向幽海歸根生則首南昔者
 向向明而相見凡此皆從古初之遺制而非後世所能易也

先王未有宮室冬則居營窟夏則居橧巢未有火化食草木之實

鳥獸之肉飲其血茹其毛未有麻絲衣其羽皮棺音墳去聲○

於高阜也積聚也聚薪為巢於深林也茹猶食也蓋未有火化故去血毛不能盡而非合之與後聖有作然後修

火之利范金合土以為臺榭宮室牖戶以炮以煇以亨以炙以為

醴酪治其麻絲以為布帛以養生送死以事鬼神上帝皆從其朔

也音音應亨音立落音浴○首獨音修火之利首從其急而約言之也范字當從竹韻註云以上曰型以金曰范以木曰栲以竹曰范

皆錢器之式也范金者范形范以治也合土者合坏擊以作陶也表燒曰坵加於火上曰煇煇於坵曰亨而置之火曰炙

也

自此至禮之大成也七言家語禮運篇並無而錯見於家語問禮
自○地夏之後采版之後誤在也夏時夏書名舊謂即夏小正中
陸商若名舊謂即歸政也孔子言我欲觀夏禮於宋得坤乾書以此觀其
而求之乃皆無可徵驗惟於祀得夏時於宋得坤乾書以此觀其
義理等列而已二代治天下之道豈可悉問乎論語曰文獻不足
故也蓋亦相仿若以示虛文版夫之概而下文僅舉其意以約之
也○石梁王氏曰以禮為古禮之歸藏恐漢儒以故為之如其
說則小正坤乾何足證禮大概此傳陳魯論為之近儒有反引以
証魯論者謬甚中
庸亦無是說也 夫禮之初始諸飲食其始黍稷
而抔飲

糝稗而主鼓猶若可以致其敬於鬼神夫言其播音煩擗音百汗

燒也燒也釋黍稷豚肉加燒石之上而燔之古未有釜甑故

也汗其地為汗坎以盛水也抔飲以手掬而飲也皆作按字蓋

以草穀為鼓惟也土鼓以土為鼓象也蓋上古世風

樸素人心誠懇雖如此亦可致敬鬼神而不為簡也及其死也升

屋而號告曰泉某復然後飯腥而其孰故天望而地祇也體魄則

降知氣在上故死者北首生者南鄉皆從其初號平聲孰然同鄉

落此上三節為第一段蓋首答子游之問以邇帝王之治而歸於禮也 ○言偃復問曰如此乎禮之

急也孔子曰夫禮先王以承天之道以治人之情故失之者死得之者生詩曰相鼠有禮人而無禮人而無禮胡不遘死是故夫禮

必本於天殺於地列於鬼神達於喪祭射御冠昏朝聘故聖人以

禮示之故天下國家可得而正也 復扶又反夫音扶下同相去聲邇音專冠去聲朝音潮○家語

先王下有所字無故失以下三十八字較得之較效也列序也本於天者因天道之盈虛而為之節殺於地者順地勢之高下而為之等列於鬼神者參造化之加伸而為之用喪祭以下八事折言禮制之目也○此節為第二段子游即禮發問而約言禮之始終本末以○言偃復問曰夫子之極言禮也可得而聞與孔子曰我

欲觀夏道是故之杞而不足徵也吾得夏時焉我欲觀殷道是故之宋而不足徵也吾得坤乾焉坤乾之義夏時之等吾以是觀之

也則亦切也陳氏曰開端之始謂之初終而
始謂之別也從酒造也蓋承上以起下之詞
故空酒在室醴

在戶桑醴在室澄酒在下陳其犧牲備其鼎俎列其琴瑟管磬鐘

鼓修其祝嘏以降上神與其先祖以正君臣以篤父子以睦兄弟

以齊上下夫婦有所是謂承天之祜此下二節承上而通言之也

太古無酒用水行滌而已後王重古以色身為玄酒祭則設於室

內而近北也醴即川酒醴者醴也黍酒也黍酒於中而外存也

也一云酒漸成而汁與滓若一體也釀川醴謂之盎盎醴與盎皆

充谷之意謂汁充於中而外溢也十云春酒謂也酒成而盎盎

盎盎成而純赤色也又冠以桑者通此則洋沉而不可見矣又次

之故列於室澄酒用醴謂之沉沉此則酒既成而桑洋已沉也又

在室之下者按周禮五齊此獨不齊也齊未詳或曰在室即周禮
之泛者始為而浮澤泛泛然謂水也若水不得名酒且又自有
明水矣亦即川酒之沉也酒即川酒之事酒昔酒清漉此蓋歷言
五齊三酒所陳之位非有間也說為王告神之詞假為尸致福於
主之詞說見會子則上神謂天神也祭統君迎牲而不奠尸則

也是正君臣父北面以事之明于事父之道也是為父子兄弟
 者獻長兄弟及眾兄弟無不備之類齊上下者獻神與聖使各有
 序之類夫婦有所者若在阼夫人在房成以禮之類如此則神
 格鬼享豈不承上天之福祐乎聖人所謂祭則受福者此也

其祝號之酒以祭薦其血毛腥其俎孰其饑與其越席疏布以嘉
 衣其滌帛醴醢以獻薦其燔炙君與夫人交獻以嘉魂魄是謂合

奠然後退而合享體其犬豕牛羊實其簠簋豆脯羹以孝告

報以慈告是謂大祥此禮之大成也

作祝號者周禮大祝率六祝以事鬼神示一願祝二年祝三吉祝
 四化祝五瑞祝六筮祝也又辨六祝以享右祭祀一神號二鬼號

三祗號四牲號五齋號六幣號也此總言之也祭立酒者祭必設
 玄酒不用以獻此未迎尸以前室中陰厭之禮也薦血也者始祭

牲取血毛并肝并以告神於室此尸在堂時制祭之禮也腥俎者
 解牲用俎盛牲體獻尸於堂此初踐時獻腥之禮所謂腥解而腥

之也熟殺者解尸骨體也精湯迎尸獻於室此朝踐時朝祭之禮
 所其體解而熟之也與猶按也越席蒲席也郊特牲所謂蒲越

孰熱同越音法羅音夏衣去
 聲滌音振字烹同餽音刑○

縣之尚也。暴烈也。禮器所謂禮也。禮也。禮謂練也。樂也。祭統
 所謂以其純服也。獻酬禮者。酌踐時當用。饋饋禮。時乃用。饋
 也。燕始矣。者特外禮。主人款戶者。長以去。則從主婦。婦以省。長以
 婦肉從也。文獻者。第一君。第二夫人。第三君。第四夫人。獻
 至九。獻皆交相成也。凡此皆以廣尊於賓。中之一。魂魄而契合之
 是之謂合莫也。退而合烹者。向之肉湯。劑而已。今乃烹向之。須性
 載右體。今左體等亦合以烹也。猶犬豕。牛羊者。別各牲體。皆之。負
 殿以供尸賓之。房之。俎也。實。並。豎。豆。鋼。羹。者。籠內。向。而。外。方。盛
 稻粱之器。及外。爾。而。內。方。盛。黍。稷。之。器。皆。以。禮。本。目。以。盛。脯。醢。之
 器。期如。雖。而。小。和。菜。羹。之。器。也。於是。祝。告。尸。以。孝。敬。祀。宗。之。道。服
 告。室。以。慈。愛。子。孫。之。道。而。謝。明。上。下。祥。善。通。貫。是。之。謂。大。祥。而。非
 徒。泛。然。取。適。已。也。由。合。莫。至。大。祥。而。禮。乃。成。矣。舊。註。牖。其。知。以上
 是。法。上。古。之。禮。然。其。徵。以下。是。法。中。古。之。禮。退。而。合。烹。以下。是。行
 當。代。之。禮。者。非。越。席。疏。布。祭。天。用。之。以。前。固。兼。言。以。降。上。神。故。及
 之。也。○此。上。七。節。為。第。三。段。言。偶。復。問。○孔。子。曰。嗚。呼。哀。哉。我。觀
 而。孔。子。歷。告。以。禮。之。自。初。而。盛。之。意。也。

周道幽厲傷之吾今魯何適矣魯之郊禘非禮也周公其衰矣杞
 之郊也禹也宋之郊也契也是天子之事守也

魯上經又音殷家
 禮節首有音解曰

今之在位莫知由禮何也十二字而孔子因答之如此節末又有天子以祀宋二王之後周公攝政致太平而與天子同此禮也二十四字文義較完宜從之○成康之後周道日微至幽厲而大壞獨魯周公之國可以一變至道則舍魯何往哉然魯之郊禘非禮也周公之功德將反因之不著矣祀宋之郊而祭乃世守天子之事以事其祖也而成王乃以周公為勳勞而賜之與二王後同也此豈所以表周公之道哉○程子曰周公雖聖人臣也凡周公之功皆人臣所當為也成王之賜伯禽之郊皆非矣石梁王氏曰天子祭天地諸侯祭社稷祝禘莫敢易其常古是謂大假此以下因歷言失禮之類然上言天地社稷之祭若臣之分禮然曾敢易而倍之哉推之當然之禮則有祝嘏辭說藏於宗祝巫史非禮也是謂幽國節首有今使字藏上有徒字○周禮大宗伯掌三禘三郊之大禮也世實亂古禮能聽之宗祝巫史而已是幽昏之國無以昭典禮也醴尊及尸君非禮也是謂僭君祀宋二王之後若得以其爵獻尸

而尸亦以其爵准君其餘惟用時王
之器而已今川此以及尸君則併矣罷弁兵革藏於私家非禮也

是謂晉君武衛而大夫之家僭之非存其君而何哉大夫具官祭

器不假聲樂皆具非禮也是謂亂國一人常兼數事其祭器惟公

孤以上得備大夫無用祿者不設有田祿者設而不備也又周禮

大夫有判縣而儀禮少牢饋食無樂或君賜乃有之今皆反是則

無等而亂矣故仕於公曰臣仕於家曰僕三年之喪與新有昏者期不

使以衰裳入朝與家僕雜居齊齒非禮也是謂君與臣同國期葬

晉崔朝音謂臣者對君之稱僕者從主之名非齊列也人臣有

重臣或新昏期年君不之使何入朝之有哉今乃不喪於家而以

衰裳赴朝又或與臣僕雜居齊齒故天子有田以處其子孫諸侯有

列是葬而君與臣共此國也國以處其子孫大夫有采以處其子孫是謂制度處上采去聲

子孫也天子之子世其天下其餘子弟有功德者封國焉侯次分

以畿內之采地諸侯之子世國其餘命為大夫有功德者賜以國

中之采地大夫之子世家其餘亦養以采也故天子適諸侯必舍

其祖廟而不以禮籍入是謂天子壞法亂紀舍去聲○舍止也廟

其祖廟然必太史執簡記舉諱惡爾其禮籍以入而後法諸侯非

紀不忒不然是以其尊慢人之宗廟而自居於散亂矣諸侯非

問疾弔喪而入諸臣之家是謂君臣為誼此則喪禮之禍恒必由

之如陳靈公是故禮者君之大柄也所以別嫌明微儆鬼神考節

度別仁義所以治政安君也別音隨儆同家語作列鬼神立政

猶而禮決嫌疑之意也接賓以禮曰儀接鬼神亦然制度如衣服

用之必得其中也總承上各條而結言禮之為綱故政不正則君

紀如此以見其為政所以治君所以安之本也

位危君位危則大臣倍小臣竊刑肅而俗敝則法無常法無常而

禮無列禮無列則士不事也刑肅而俗敝則民弗歸也是謂疵國

故政者君之所以藏身也

倍背同。統音慈。○又承治政安君而反復言之也。政不正謂無禮也。倍明背義。

臨瀛也。廣峻急也。解敗壞也。由禮失故法亂。而由法亂禮益薄也。士者民之首也。不事以業言。弗歸以心言。豈一不正而君臣士民之患如此非。莊刺之國。而何蘇猶安也。決言君之安身以政正。以見治政安身之必以禮也。

是故夫政必本於

天殺以降命。命降於社。之謂殺地。降於祖廟。之謂仁。義降於山川

之謂興。作降於五祀。之謂制度。此聖人所以藏身之因也。殺效同。○此正

意。以治政安君之實也。本猶根也。從猶法也。降下也。木於天以命於下。所謂天之經也。社即地也。指其神曰社。指其形曰地。法於地以命於下。所謂地之義也。或言本天。或言殺地者。變文與仁義所謂自仁率親自義率祖也。興作非材用不成。故降於山川制度自宮室而始。故降於五祀。第二章本天殺地言禮。而此言政者。法無常而禮無列。政得其中而禮在是矣。政與禮豈二物哉。故下因言禮序民治之意。以申之。○說曰。篇謂輝光於外。而形體不見也。正義曰。但見其疾不見其身。政本盛而君身靜也。故聖人參於天地。並於鬼神。以治政也。處其所存。禮之序也。玩其所樂。民

之始也故天生時而地生財人其父生而師教之四者君以正用

之故君者立於無過之地也

樂音洛財材同○道猶合也承上言聖人所以建天地質鬼神者凡以治

政而已處天地鬼神之所存則天高地下萬物散殊聖人法以制

禮樂之所以序也玩天地鬼神之所樂則流而不息合同而化聖

人法以制樂民之所以治也故四時本於天百貨產於地人育體

於父而成德於師此四者惟在人君正身修德議禮制度則裁成

輔相以左右民而天地親師一以貫之矣所謂乾稱父坤稱母而

大君者父母之宗子也人君所以立於無過之地者端必由此彼

不戒德以治政而身不安矣如正人何哉○此上十四節為○故

第四段極言失禮之微而因明禮為治政安身之善物也

君者所明也非明人者也君者所養也非養人者也君者所事也

非事人者也故明人則有過養人則不足事人則失位故百姓則

君以自治也養君以自安也事君以自顯也故禮達而分定故人

情愛其死而忠其生

各分並去聲○明陳註謂為則並字之屬也今推下文則君二字當從之有過謂不能立

情愛其死而忠其生

各分並去聲○明陳註謂為則並字之屬也今推下文則君二字當從之有過謂不能立

於無過之地永上言人君正身修德則為臣民所則後而奉養服
事亦因之豈有則人答人事大謂之為君者乎惟百君則君以
剛治其身委君以自安其公事君以自顯其禮故禮教通達
名分不踰而人皆循禮以守死也此以見禮為安君之本也故用

人之知去其詐用人之勇去其怒用人之仁去其貪知去聲○父

視正氣材胥用故知謀者去其欺詐剛勇者去其猛暴慈愛者去

其貪戀各不以一青掩而棄之此蓋用人惟器御下以禮之意而

女若在其中矣○朱子曰仁止是愛愛而無義以制之便事事都

做好物事也愛好官爵也愛事也愛所以貪也故用其仁當棄

也孔介故國有忠君死社稷謂之義大夫死宗廟謂之變死社復系

也廟者君有此禮大夫有宗廟也變傳謂為辨猶正也一說其死

有分辨也此亦承上禮禮分定愛生思死之意也故聖人耐以

天下為一家以中國為一人者非意之也必知其情粹於其義明

於其利達於其恕然後能為之何謂人情喜怒哀懼愛惡欲七者
弗學而能何謂人義父慈子孝兄良弟弟夫義婦聽長忠幼順君

仁臣忠十者謂之人義講信修睦謂之人利爭奪相殺謂之人忠

故聖人之所以治人七情修十義講信修睦尚辭讓去爭奪舍禮

何以治之耐音能辟婢亦反家語作從惡去聲長去舍進上聲○

以私意而為之也必知其情而開辟其義以使之又明達其利

與忠而後知所趨避焉然後能使之為一家為一人也蓋七情弗

學而能而十義以禮而立有禮則以義約情而人利由此生非禮

則以情滅義而人忠由此起而謂天下有舍禮而可治者哉○問

愛與欲何別朱子曰愛是此愛那飲食男女人之大欲存焉死亡

物欲則有意於必得便要拿將來飲食男女人之大欲存焉死亡

貧苦人之大惡存焉故欲惡者心之大端也人藏其心不可測度

上二惡字去聲

也美惡皆在其心不見其色也欲一以窮之舍禮何以哉

皮音獨見音現○人心雖有七情而欲惡其總也欲所可欲惡所

可惡則為美欲所不可欲惡所不可惡則為惡中心藏之人莫能

測而亦豈達見於色而可測哉若德一窮而察之則禮而已矣

七情中正十義純備者合於禮者也否則七情乖離十義傷缺者

於於禮者也不知禮則成色則而內存也取仁而行也而無以祭
其美惡於動作儀威之間矣方氏曰禮器欲察物而不出禮弗之
得矣正謂是也○此上五節為第五段承前段（）故人者其天地
以明治政安君之驗而極言一於禮而無思也

之德陰陽之交鬼神會五行之秀氣也

天地之德以質理而言
即通書所謂無極之真

也陰陽鬼神五行皆氣也語其氣之本然謂之陰陽語其氣之成
能謂之鬼神語其氣之成質謂之五行即所謂二五之精也由是
交感會聚則所謂其精妙合而得其秀而最靈者於是乎在矣此
人之所以為人而天地之性莫貴於是也蓋人得天地之理以為
性得天地之氣以為形此天命之本體而中和位育之所由以其
者故承前段推本言之而以下各段皆發端於此石梁王氏嘗稱
此語為最粹其亦有旨於斯與故天乘陽垂日星地乘陰竅於山川播五行於四

時和而後月生也是以三五而盈三五而闕

垂日星在天成象也
廢於山川在地成形

也播立和順也五行質具於地氣行於天春木夏火秋金冬水各
宜其用而四時以成四時和順日行循軌而月之生明生魄各以
其期矣故望盈晦死而無咎胸之差也此及下節又承上文五行
通言天地五行萬物散殊之理以見人道相為終始之本也

之動迭相竭也五行四時十二月還相為本也五聲六律十二管

還相為宮也五味六和十二食還相為質也五色六章十二衣還

相為質也迭音緜還音旋下同和去聲○動運竭終本始也言五行

則夏又為秋本已往者為見在者所竭見在者為方來者所本是

五行四時十二月之屬迭相勳而旋相為本也五聲官商角徵羽

也陽聲謂之六律黃鐘子太蕤寅姑洗辰蕤賓午夷則申無射戌

也陰聲謂之六呂大呂丑應鐘亥南呂酉林鐘未仲呂巳夾鐘卯

也律法也呂助也皆候氣管名總言之皆為律月令十二月皆攝

律是也聲律之數以上下損益而成下生三分損一上生三分益

一如黃鐘長九寸為宮其下三分損一生林鐘長六寸為徵林鐘

長六寸為徵其上三分益一生太簇長八寸為商餘放此宮者君

主之義十二管更迭為主五聲皆備如黃鐘為宮則下生林鐘為

徵土生太簇為商下生南呂為羽上生姑洗為角若林鐘為宮則

上生太簇為徵下生南呂為商上生姑洗為角下生應鐘為角餘

並放此是五聲六律十二管之屬旋相為宮也五味酸苦辛鹹甘

也加滑為六和十二食十二月所食也質亦本也如春三月以酸

為本質夏三月以苦為本質之解而六和皆因以相調是五味六

抑十二食之風旋相為質也五色青黃赤白黑也并天玄為六章
 十二衣亦謂十二月所衣也如春以青為畫繪之質地夏以赤為
 畫繪之質地而六章皆因以相同是五也故入者天地之心也五行
 之端也食味別聲被色而生者也別音覽○此承上文而因言人
即所謂天地之德也五行之端以氣言即陰陽之文以下也○問
人者天地之心朱子曰如天道福善禍淫善者人皆欲福之淫者
人皆欲禍之天如教化皆是人做此所謂入者天地之心也愚按
朱說錯○天者言不器大約謂人以天地之心為心也蓋天地
之德者所謂之全體而心乃所以具眾理而為萬
事者也則所謂心與德者豈二物哉學者詳之故聖人作則必
 以天地為本以陰陽為端以四時為柄以日星為紀月以為量鬼
 神以為徒五行以為質禮義以為器人情以為田四靈以為畜以
 天地為本故物可舉也以陰陽為端故情可睹也以四時為柄故
 事可勸也以日星為紀故事可列也月以為量故功有藝也鬼神

以為徒故事可守也五行以為質故事可復也禮義以為器故事

行有考也人情以為田故人以為與也四難以為畜故飲食有由

也量去聲畜音旭此以下又承上矣以明聖人立極之道而因

元資始坤元資生之德乃萬理所從出推本於此則物可舉以行

也以為為端者謂陽剛陰柔陽舒陰肅之象乃萬物所見端未端於

此則情可推而見也以為柄者如春生夏長秋斂冬藏之屬此

為權則大綱舉而事可勸而從也以為紀者如日中星鳥日永星

火之類推此為紀則細目張而事可列而示也最為程量之義如

月令明堂太廟左个右个之類皆有程限不踰以為量則功政以

通有如射藝然也徒如徒侶相依之義凡上文郊社宗廟山川五

祀之屬皆與政事相依以為徒則事安以因有如據守然也質猶

木質之義如洪範曲直從革炎上潤下稼穡之屬皆為事物所本

以為質則事繼以增有如行復然也以為器者備禮義以成禮如

備器物以適用奉以不墜則事行有可考驗也以為田者人情怡

而德成如田事治而養厚則不失則生人得所歸宿也以為畜

者四靈為萬物之長木非可奈養而致擾之者而今狎至如家畜

者然則其長至其族蕃而萬物無不咸若可知矣而謂民生有不

遂其飲食作息之情者哉凡此十條天地以下七者豈非法象之
本益我人情二者切指道教之實以證一者則備明功化之神也
與室與也出猶自也○張子曰天地為本至四為貴一理也
特細別耳奉天治人與接物無所不用其極能用其極則其於不
足治矣石梁王氏曰四政以為查行至此無義味陳註曰其長至
則其局皆至有可用之以充庖厨者矣愚按聖人在上諦其心唯
安百姓備利然其化非至於萬物各得其所不以為足也四查為
查即虞書所謂時若予鳥獸草木上下而飲食有由即所謂耕田
而食粟非而飲帝力何有於我者哉若王氏陳氏之見予且其以
長至族善為可供食徒因下文不洽不稱不疑為之詞耳而人情
不失何將何以解何謂四查麟鳳龜謂之四靈故龍以為畜故
其夫亦不待辨矣

魚鼈不洽鳳以為畜故鳥不狘麟以為畜故獸不狘龜以為畜故

人情不失新首委洽音因前首續彼音粵○魚阿古謂者舉大為

竹菴故不為也龜能前知尤聖人所貴故特明之○此上六節○

第六節推背天人始終之道以見聖人制禮作則之本末也○
故先王乘著龜列祭祀辨輪宜祝嘏辭說設制度故國有禮官有

禮事有職禮有序之意而指祭禮以明其實也列陳葬埋棺槨也

先王重祭故定則於善也而陳禮文設制度如此是以國得其禮

官得其治事得其職禮得其序也○方氏曰乘著雖以決禮之疑

利祭祀以致禮之敬整潔以備禮之物官祝取辭說以通禮之情

設制度以修禮之文者是則可謂有其禮矣故循言國有禮也建

國於設官設官以治事治事以行禮故其次如此愚按設制度以

上指祭禮而言以下指治國如祝諸之意皆自國有禮而通推之也故先王惠禮之不遠於下也

故祭帝於郊所以定天位也祀社於國所以列地利也祖廟所以

本仁也山川所以備鬼神也五祀所以本事也故宗祝在廟三公

在朝三老在學王前巫而後史卜筮將伯皆在左右王中句心無

為也以守至正朝音朔○定猶正也天位易言天位乎上是也列

此也本仁者仁之實在乎中祝也備神之也言天子上祀皇天而

天位正矣下祀后土而地利著矣中祀祖先而仁教達矣而且祭

山川而饋禮乎鬼神祭五祀而推隆乎事物凡皆使禮教四達以
盡人道也而王於此廟自宗祇初有三公學有三老五更坐主事
既而居廟史書言動而居後上兼普前四者或謂是禮或博樂樂
或贊成儀而居左右王居其中此心何為或不過守君道之至正
而已此又因言人君以禮自防而示教於天下之實亦上文因有
禮以下之意也○陳註曰天子致尊天之禮則天下知尊君之禮
故曰定天位石梁王氏曰祭禮方用則有事方問上蓋謂常在左
右非也愚按祀社言列地用而祀帝則言定天位者天尊也地親
也乾始能以美利利天下不言所利天但見其變然靜正於上而
已惟天位定故百神受職前也利列故百貨可備以下節推之可
見如陳註定天位之說雖託於事君如事天之義然謂先王緣是
特文義之病而已學者可不慎哉皆在 故禮行於郊而百神受職
左右蓋亦不離左右之意不必泥也

為禮行於社而百貨可備焉禮行於祖廟而孝慈服焉禮行於五
祀而正法則焉故自郊社祖廟山川五祀義之修而禮之祇也

如 禮記卷之四 祭義 第 四 節 此又因推其功效之所本也 禮教服行正定也 又職謂風雨
節寒暑時雨無怨德也 昔者謂百昌茂萬寶成而無遺刑也 孝慈

屬而天下之父子定正法則而天下之上下辨聖王精禮威格其
 效如此豈有他哉故由郊社宗廟山川五祀之屬養之修明者精
 而禮之藏畜者裕也○舊解參用徐說藏字讀才浪反謂禮之府
 藏也但此與養修不相足而自字亦無義且亦非上文相承之意
 也按末二句中上心無為也以守至正之意禮達其用也無為守
 正其本也此數者之效自君心守正而義明禮備致然也義必有
 宜故言修義修即禮也禮必有體故言藏禮
 藏即義也此聖王體用一原之道學者詳之 ○是故夫禮必本於

大一分而為天地轉而為陰陽變而為四時列而為鬼神其降曰

命其官於天也夫音扶下同大音泰○此下三節為第八段又承

也大猶言大極極大曰太未分曰一蓋太極函三為一之理也

官猶職也若言分定故也分為天地則有高卑貴賤之形轉為陰

陽則有動靜剛柔之象變為四時則有生長斂藏之機列為鬼神

則有幽明始終之義凡聖人制禮本此以下其命令者是皆職於

天而所性而其者也○石梁王氏曰其官於天也一可結上文也

按家語云其官於天也協於分藝其居於人也曰養以二語括而

顯大意詞要而不

夫禮必本於天動而之地列而之事變而從時

用當以家語為正

協於分藝其居人也曰養其行之以貨力辭讓飲食冠昏喪祭射

御朝聘分去聲祭去聲注作義字之誤也家語王肅本作如字冠喪並

之地即地也列而之事即本也變而從時即四時以為柄也

分即月以為量也變即功有善也人猶在人也養為義者言禮

制之作皆人事當然之義也養如字者言禮以養人之德也歷推

禮之為禮如此而其人在人也必養之以義其行之也必以貨財之

用筋力之勞辭讓之節飲食之品以周於禮昏以下八者之中

則養之既失義精仁然而凡天地陰陽四時鬼神之理一以貫之

於家語變而從時以上其故禮義也者人之大端也所以講信修

睦而固人之肌膚之會筋骸之束也所以養生送死事鬼神之大

端也所以達天地順人情之大節也故唯聖人為知禮之不可以
已也故壞國喪家亡人必先去其禮禮去聲夫上聲○肌膚筋骸
之意傾側之容有不自知其然者故必以此因之也喪六也背禮
義則室而逆由禮義則達而順亦若然也人所以知禮之不可

已者此以物長自明上下皆禮為之綱紀也故敗國之
君喪家之主亡身之夫皆以先去其禮耳豈有他哉 ○故禮之

於人也猶酒之有藥也君子以厚小人以薄故聖王修義之柄

之序以治人情此下五節為第九段又承上順人情而言以別聖

德如酒以藥成味厚於禮為君子薄於禮為小人亦如酒之有醇

醜也劉氏曰修者講明之也柄猶操也人能不失乎敬之操持禮

以治人情矣故聖王務之也 故人情者聖王之田也修禮以耕

之陳義以種之講學以耨之本仁以聚之播樂以安之禮者人情

治人以為先務如治田之必先耕以耨也義者人情之裁制隨

事制宜而措之如其隨土宜而種嘉穀也然或物欲蔽之而私意

萌焉則如草之害苗矣故必講學明理以去其非如耨之去草養

苗也而又必本乎仁者蓋博而求之不一之善既見一本之萬殊

而約而會於至一之理乃毫萬殊之一本此則萬理會而心德全

如穀之熟而後也然或猶利仁而未能安也又必咏歌舞蹈以陶

養其德性清醇其液潔夫乃和順於道德而造乎從容之域此

則如食而後飲也故承上條禮義以治人情者而繼言之○陳註

曰此五者聖下修道之教始終條理如此而講學於其中以貫前
後蓋總耕義植入德之功學之始條理也仁聚樂安成德之效學
之終條理也自始至終其於仁義禮樂學無不講到其
漸而成也則禮義之功著於先而仁樂之效見於後焉故禮也者
義之實也協諸義而協則禮雖先王未之有可以興起也義者藝

之分仁之節也協於義講於仁得之者強仁者義之本也順之體

也得之者分分去弊心實者定制也協合也義協而禮起所謂三

利也強者強立而不反也節者所謂天之尊爵也禮一定不易義

既時制宜故其合於義而合者雖未有此禮可以後而創為也此

言禮與義之相表裏也事見於外其分以義而宜心發於內其節

以義為制故得義以協合而講求之則強立也此言義與禮與仁

之所表裏也仁者本心之全體而心之初為義心之和為順故義

以為本順即其體而得之為能長人也此言仁與義之相表裏而

又以見順之有由來也陳註曰禮為義之實以散禮言仁為義

之本以全體言張子謂禮三百曲禮三千無一事之非仁也猶
萬葉先後大小通有次第此散體之類也凡此一收一棄隨時樂

俾各得其宜則義也故治國不以禮猶無耜而耕也為禮不本於義猶耕而

弗種也為義而不講之以學猶種而弗耜也講之以學而不合之

以仁猶耜而弗獲也合之以仁而不安之以樂猶獲而弗食也安

之以樂而不達於順猶食而弗肥也此反譬以申上文之意其序不可紊而功不可闕如此而

因以達於順者推之也前言仁為順之體則一舉仁而體信達順之本具是矣此合以仁安以樂之後而又謂不達於順猶食而弗

肥者益以上蘊諸內而以下驗四體既正膚革充盈人之肥也父

子篤兄弟睦夫婦和家之肥也大臣法小臣廉官職相序君臣相

正國之肥也天子以德為車以樂為御諸侯以禮相與大夫以法

相序士以信相考百姓以睦相守天下之肥也是謂大順大順者

所以養生送死事鬼神之常也德為車守之固也樂為御勅之和也禮相與朝聘以時也法相序考

兵爾位也信相考言忠信行篤敬也睦相守出入相友守望相助也肥者充盈之意劉氏曰安樂以備皆成己之功大學之明德也達順以後是成物之效大學之新民也故以身肥為譬而通及於家國天下至此乃聖學合內外之道修齊治平之驗而大順成矣大順則無為而治所以養生○故事大積焉而不苑並行而不謬送死事鬼神各得其常也

細行而不失深而遠茂而有間連而不相及也動而不相害也此

順之至也故明於順然後能守危也

苑音隈間去聲○自此至終篇三節為第十段皆發明大

順之實以極其效也此事大積則必苑滯並行則必謬外細行則必夫差深宵則造之難遠茂者則入之無間兩旁連接則相干及萬物爭動則相害此所以難順而至於危也承上言道至大順而天下各得其理如此然後守危而無所於患故下文遂指其實而明故禮之不同也不豐也不殺也所以持情而合危也故聖王

所以順山者不使居川不使諸者居中原而弗敵也用水火金木飲食必時合男女頒爵位必當年德用民必順故無水旱昆蟲之

災民無凶饑妖孽之疾

殺當並去聲○不同者等應辨也不豐者節應殺也不戒者文應隆也持備者節其

肆縱合危者平其散亂順謂順而遠之弗敵謂不以徒而困敵也

水必時如柳祭魚然後人澤梁及春獻龍屨秋獻龜魚之類火必

時如李春出火季秋內火及春取榆柳夏取棗杏之類金如大入

以時取金玉錫石及季春審五庫之量之類木如季冬斬陽木仲

夏斬陰木之類飲食如食齊視春時奠齊視夏時之類必當者男

女必因其年爵位必稱其德必順者民力不奪其時以天災曰水

旱以民困曰凶饑昆蟲謂蠶廢為蛛妖孽謂怪變或謂疾術也

承上歷言其達於順者至此故能感召太和災沴不生而遂備有

下文之驗也 故天不愛其道地不愛其寶人不愛其情故天降甘露地

出醴泉山出器車河出馬圖鳳凰麒麟皆在郊柳地龍在宮沼其

餘鳥獸卵胎皆可俯而觀也則是無故先王能修禮以達義體信

以達順故此順之實也

較較同○道即道並行而不相忤之道實即萬物告成之實情即民莫不敢用情之

情付察謂靈疑如晉陽泉謝泉升如醴器車未詳備說疑如氣變

丹甌之類及張柳谷之石有八卦黃琬之象是也車如山車

鈞之屬自有輪轅之象是也馬駘伏養時龍馬負圖是也麟鳳龜
龍如麟遊於罔以巢於閭神龜負背於洛之類非胎可俯而履猶
莊子至德之世鳥雀之巢可攀援而窺也修被遠義者修禮以治
而禮之天下無不宜也體信達順者反身而誠而達之天下無不
順也功至此極此非順之實而何哉故推此以結全篇之意而其
為大同之象不得以小康名也亦可見矣○程子曰君子修己以
道寡過而天下不惟上下一於恭敬則天地自位萬物自育而四
徵畢至矣此體信達順之道朱子曰信是實理順自和氣體信是
致中達順是致和實體此道於身則自然發而中節推之天下而
無所不通也愚按此段第二節為推身與家國天下之無不順者自
聖學之實功也蓋上段之表推身與家國天下之無不順者自
治人而言此段之首歷言凡事之無不順者自治事而言而第二
節不同不豐不殺之屬乃事之所以治合男女順爵位必當之屬
乃人之所以治亂仰虞者所謂府修事和與三德為大夫六德出
諸侯者而其下之所驗則亦所謂教因表格上下而地乎天成之
極統也學者不由實學以推實政則體信達順之道不
亦且流於禱符與引而虛縻
之學起矣嗚呼可不悔哉